


HD 26113
294



ମୁଖ ଦେଖିଲାମୁ



HD26113

2001-3723

2g4

тиук, дасртаки
робот. деп. Т; 2001г

2001-3723

Чыншүл жаңылар



РУБОЙЛАР

Форс тилидан
Эргаш **ОЧИЛОВ**
таржималари

Контрольные экземпляры

ТОШКЕНТ «МАННАВИЯТ» 2000

Буюк сўз усталари ижодига ҳар бир замоннинг ўз талаби, ҳар бир авлоднинг ўз эҳтиёжи бўлади. Бу — янги таржималарга йўл очади. Айни шундай саъй-ҳаракат натижаси ўлароқ дунёга келган ушбу мажмуя орқали сиз Султон ул-орифин Шайх Абусайд Абулхайр, Шайх Маждиддин Бағдодий ва Убайдий рубоийлари билан илк топқир танишсангиз, Умар Хайём, Шайх Нажмиддин Кубро, Мавлоно Жалолиддин Румий, Паҳлавон Маҳмуд ва Хўжа Ҳофиз Шерозий рубоийларининг ўз анъанавий вазни билан тилимизга ўтирилган янги таржималаридан баҳраманд бўласиз.

Муайян олинган асар юзта мутаржим томонидан таржима қилинса, юз хил жаранглайди! Шундай экан, маълум бир асарнинг бир неча таржима нусхалари яратилиши ижобий ҳодиса ҳисобланади. Чунки ҳар бир таржима асарнинг янги бир қиррасини очди, унинг ўзгача талқинини вужудга келтиради. Китобхон эса бу таржималар орасидан ўзига ёққанини танлаб ўқиди. Бинобарин, бугунги кунда қайта таржималарга қўл урилаётган экан, уларни аввалги таржималарнинг инкори сифатида эмас, аксинча, аслиятта ҳам шаклан, ҳам мазмунан мувофиқ келадиган муқобил таржима яртиш ўйлидаги уринишлар сифатида баҳолаш мақсадга мувофиқ. Шу жихатдан, мазкур таржималар ҳам ўз ўқувчисини топади, деб ўйлаймиз.

И 95

Ишқ дафтари: Рубоийлар /Форс тилидан
Э. Очилов тарж. — Т.: «Маънавият», 2000.—96 б.

1026113
2. 94

Сб

4702620204—15
T M 25(04)—00 30—00

© «Маънавият», 2000

200—	O'zb. Resp. DK
3723	

Ўшбу китобни камоли эхтиром билан илмий-ижодий изланишларимни ҳамиша қўллаб-қувватлаб келаётган меҳрибон тогам Тожимурод Тўраевга багишлайман.

Таржимон

СЎФИЁНА ЗАВҚУ ШАВҚ ТҮЛҚИНЛАРИ

Инсон — илоҳийдир, инсоннинг улуғлиги унинг илоҳийлигига. Инсон Парвардигорини қанча севса, демак, қалби шунча эзгулик нурига гарқ бўлади, покланади, маънавий камолотга эришади.

Тасаввуф аҳли инсон зотига ана шундай нуқтаи назардан қараб, чин инсонсеварликни илоҳсеварлик билан ўзаро мустаҳкам алоқада олиб талқин ва таъриф этадилар. Шу боис тасаввуфда илоҳий ишқ — марказий ғоя. Чунки Ишқ — бир кимё, қалбга сайқал берувчи, уни оловлантирувчи куч. Ишқ — руҳ қудрати, ботин изҳори. Ахир, тасаввуф таълимотига кўра, инсон руҳи Мутлақ Руҳ, яъни жавҳари зот ҳисобланмиш Парвардигор оламидан ажралиб нузул этган ва у яна ўз Аслига уруж этади (кўтарилади), бориб қўшилади, абадий ҳаётга эришади. Шу боис ишқ мавзуи сўфиёна адабиётда асосларнинг асоси, мавзуларнинг энг нажиби, аълоси деб қаралган. Илоҳга муҳаббат — бу мутлақ Ҳақиқатга ва мутлақ Покликка муҳаббат, бу инсон боласининг чек-чегара билмайдиган руҳий-маънавий камолоти рамзи ҳам.

Шунинг учундирки, Шарқ шоирлари неча-неча асрлардан бўён бу фояни куйлаб, дунёни забт этган ажойиб қайноқ шеъриятни яратдилар. Ушбу шеърият ёруғликка, нурга талпинган диллардан чуқур жой олиб келди. Ва яна муҳими шуки, бу шеърият ҳозир ҳам ўқувчини бефарқ қолдирмайди.

Тасаввуф шеърияти турли шакл ва жанрларда яратилди. Улар орасида энг кичик лирик шеърлардан тортиб то катта ҳажмдаги ишқий достонлар ва аллегорик асарларгача — барча жанрдаги асарларни учратиш мумкин. Аммо улар ичida рубоий жанри энг кўп тарқалган жанр десак, хато бўлмайди. Рубоий ўзининг ихчамлиги, ҳикмат-донишни эсда қоладиган шаклда ифодалагани, халқ руҳига яқинлиги билан ажралиб турар ва худди шунинг учун ҳам сўфиёна суҳбатлар, мажлисларни қизитишга қўл келарди. Яна шуниси бор-

ки, рубоийни катта шойрлар ҳам, машхур тасаввуф шайхлари ҳам ижод этганлар. Чунончи, Аттор, Румий ижодида рубоий алоҳида ўрин эгаллайди, лекин Абусаид Абулхайр, Нажмиддин Кубро, Маждиддин Бағдодий, Баҳоуддин Нақшбанд ҳазратлари ҳам ажойиб рубоийлар яратганлар.

Яна шуни ҳам қайд этмоқчиманки, сўфиёна рубоийлар фақат ишқ-муҳаббат мавзуидаги шеърлардан иборат эмас. Улар орасида инсон табиати, фикрий излашилари, ҳаётини муаммоларни ифодаловчилари ҳам бор. Умуман олганда, сўфиёна рубоийларни қутидаги ча тасниф қилиш мумкин:

1. Илоҳий муҳаббат завқу шавқини куйловчи рубоийлар.

2. Дунё гўзаллигидан ҳузурланиш завқини ифодаловчи рубоийлар.

3. Фалсафий мушоҳадалар завқи акс этган рубоийлар.

4. Дунёни ва Илоҳни англаш завқи, яъни маърифатояларини ифодалаган рубоийлар.

Бу рубоийларнинг ҳар бири бир мустақил асар сифатида қабул қилинади, лекин агар улар жамлаб ўқилса, яхлит бир достонни ўқигандай таассурот олиш мумкин.

Сизга тақдим этилаётган китобга саккиз муаллиф — Абусаид Абулхайр, Умар Хайём, Нажмиддин Кубро, Маждиддин Бағдодий, Жалолиддин Румий, Паҳлавон Маҳмуд, Ҳофиз Шерозий ва Убайдийларнинг асарлари жамланган. Абусаид Абулхайр, Маждиддин Бағдодий ва Убайдий рубоийлари биринчи марта ўзбек ўқувчилари эътиборига ҳавола қилинмоқда. Шунингдек, Жалолиддин Румий қаламига мансуб кўпгина рубоийлар ҳам тилимизда илк бор жарагланмоқда. Китобдаги рубоийларни иқтидорли ёш шоир Эргаш Очилов форсийдан таржима қилган.

Маълумки, форс-тоҷик адабиётидаги классик рубоийларни ўзбек тилига таржима қилиш борасида муайян тажриба тўпланиб, анъана ҳам шаклланган. Бир қисм таржимонларимиз рубоийни ўз вазни аруздан чиқариб, бармоқ вазни билан ўғирсалар, бошқалари аруз вазнини сақлашни маъқул кўрганлар.

Айтиш жоизки, бармоқ вазнига кўчган рубоий ўз оҳангини йўқотади, оддий тўртликка айланиб қолади. Арузни аруз билан бермоқчи бўлган шоирларда эса бир қусур — форсий бирикма ва ибораларни сақлаб

қолиш кўзга ташланади. Э. Очилов ана шуларни ҳисобга олиб, рубоийларнинг ўзига хос арузий вазнини сақлаш билан бирга, имкони бор қадар ҳозирги ўзбек адабий тилида ижод қилишга интилган. Кўп ўринларда бунга эришган. Чунончи, Абусаид Абулхайрнинг:

Мен дод этаман, ишқ илкидан дод этаман!
Бир нозли санамга тушди ишқим, нетаман?!
Е жаҳд этиб васлига бир кун етаман,
Е қолдириб армонлара дилни кетаман...

Ёки Умар Хайёмнинг мана бу рубоийсини олсак:

Ёш тўқди келиб ўт узра йиғлоқи булут.
Шод этгали дилни, қирмизи бодани тут,
Шул сабза каби кўзни қувонтиргувчи
Оромгоҳ ўлур бизнинг-да гулзори вужуд.

Кўриниб турибдики, ҳам равонлик, оҳанг ва ҳам фалсафий-ҳикматона маъно акс этган бу рубоийларда.

Албатта, рубоий ўзи кичкина жанр бўлса-да, аммо унинг таржимаси катта муаммо. Қийинчилик кўп. Бунинг боиси шуки, шеър бир тилдан иккинчи тилга ўтганда «ўлиб, яна қайта тирилади». Ана шу қайта тирилтирувчи одам таржимондир. Таржимон қанчалик истеъдодли, моҳир бўлса, қайта ҳаёт бағишлиш шунча муваффақиятли кечади. Бунинг устига, ҳар қандай таржима беихтиёр равишда ички талқин — интерпретация билан кечадиган жараёндир. Агар «талқин» шеърий тўқимага сингиб кетса, у табиий чиқади, ўқувчи сезмайди. Бироқ, агар сингмай қолса, нотабиилик юз беради, бегона аъзодай «мана ман» деб тураверади.

Э. Очилов таржималари бир неча йиллик ижодий меҳнат маҳсулни. Ушбу китоб сўфиёна рубоийларни ўзбек тилида жамлаган биринчи тўпламдир. Аминманки, у шеърият мухлисларига яхши тухфа бўлади.

Нажмиддин КОМИЛОВ,
филология фанлари доктори,
профессор

АБУСАИД АБУЛХАЙР

(967—1049)

Абусаид Фазлуллоҳ ибн Абулхайр Муҳаммад ибн Аҳмад Майҳаний Хурисондаги Ҳоварон вилоятининг Майҳана қишлоғида туғилган. Султон ул-орифин — Орифлар султони деган шарафли унвонга сазовор бўлған бу улуғ инсон «Абусаид Абулхайр», «Шайх Абусаид Майҳаний» номлари билан мусулмон оламида шуҳрат қозонган.

«Қутби олам Абусаид Абулхайр қаддасаллоҳу сирриҳу барча акобир ва машойихлар қалбининг подшоҳи эди. Бу дунёда ҳеч кимдан бу қадар кўп каромату риёзат нақл бўлган эмас. У — фонийи мутлақ, у — боқии барҳақ, у — илоҳий маҳбуб, у — ниҳоятсиз маъшуқ, у — мамлакат нозанини¹, у — маърифат бўстони, у — фалакни сайр этувчи арш², — деб васф этган эди уни Фаридиддин Аттор «Тазкират ул-авлиё» асарида. Алшер Навоий «Насоим ул-муҳаббат»да бу таърифни давом эттириб, уни «шариат султони», «тариқат султони», «замона султони», «тариқат аҳлиниң ҳусни», «қулуб мушрифи», яъни «қалбларни ўзига қаратган зот» каби сифатлар билан улуғлайди. Унинг замонида барча машойих Абусаидга тобеъ эдилар, дейди.

Нақл қилишларича, Абусаид Абулхайр нафақат донишманд, балки яхшигина табъи назми бор, ўзи дилкаш ва суҳбати ҳуаурбахш киши бўлган. Манбаларда унинг тасаввуғга оид «Макомот» китоби ва рубоийлар баёзи мавжудлиги тўғрисидаги маълумотлар учрайди. «Гулшани адаб»да бизгача шайх-шоирга нисбат берилган 720 та рубоий етиб келганилиги таъкидланса-да³, тоқиқ олими С. Саидзода тўплаб напр этган «Шабнами ишқ» (Хўжанд, 1993) мажмуаси 346 рубоийдан ташкил топган.

Тасаввуғга оид манбаларда Абусаид Абулхайр тариқатга шеъриятни омухта этган шайх сифатида тилга олинади. Сўфиёна тояларни акс эттирган илк қитъа ва рубоийлар ҳам унинг қаламига мансуб. Улар муридлар томонидан ўртага қўйилган масалаларга жавоб тариқасида дунёга келган ҳамда шайхнинг сўзлари ва ҳолатлари баёни асосида тартиб берилган «Асрор ут-тавҳид» китобида жамланган. Шундан келиб чиқиб, айтиш

¹ Бу иборани, бизнингча, «Худонинг суюклиси», «Оллоҳнинг эркаси» тарзида талқин қилиш лозим. — Э. О.

² Бу иборанинг мазмуни: «Илоҳий оламни сайр этувчи улуғ зот», демакдир. — Э. О.

³ Қаранг: Гулшани адаб. Намунаи назм иборат аз панҷ жилд. Жилди 1. Душанбе, 1975, 123-б.

мумкинки, тариқат шайхларининг шеъриятга мурожаат қилиши Абусаид Абулхайрдан бошланган.

Абусаид Абулхайр самоъ (арабча: эспитиш) мажлисларини қиёдириш учун дастлаб ишқ-муҳаббат мавзудаги ҳалқ тўртликларидан фойдаланган бўлса, кейинчалик ўзи ҳам рубоийлар ижод қилиб, уларда тасаввуф ақидаларини баён қилган. Абусаидга эргашган тариқат пирлари бу анъанани ривожлантириб, янада мустаҳкамлаганлар.

Абусаид Абулхайр ўзидан кейинги тасаввуф адабиётига катта таъсир ўтказган.

Илоҳий ишқ васфи, эзгулик ва эзгу амаллар, яхши ахлоқ тарғиби, вафо ва садоқат, ҳижрон туйғулари, замонадан ва нағфдан шикоят ва бошқа мавзулар Абусаид Абулхайр рубоийларининг асосини ташкил этади. Бу намуналар, аввало, жозиб оҳанги, шавқангез руҳи ва дақиқ маъноси билан кипини ўзига тортади. Улар ҳалқ оғзаки ижодига яқин, равон ва енгил услубда ёзилган. Лекин ўзида тасаввуғнинг кўплаб нозик назарий масалаларини ифода этганилиги жиҳатидан бу рубоийлар асосан самоъ мажлислари, сўфийларининг маъриғий сұхбатлари орқали машҳур бўлган.

1

Бўлмас сира бизда дилки, хуррам бўлгай,
Шодлик ўзи биз тарафда-ку кам бўлгай,
Ҳар шодлиги дунёни магар юз очса,
Келгунча етиб бизга ўшал ғам бўлгай.

2

Қўнглимни у ўтли сўзлари олдилар-еў,
Ҳам зулфлари, оҳу кўзлари олдилар-еў.
Дерлар менга: «Дил бердинг уларга не учун?»
«Мен берган эмасман, ўзлари олдилар-еў!»

3

Ёрдан сўрадим боисини ҳижроннинг,
Бул бўлди жавоби менга ул жононнинг:
«Мен кўзинг эрурман, йўқ ажаб, кўрмасанг-еў,
Мен жонинг эрурман, киши кўрмас жонни».

4

Ҳеч битта ғами фурқати жононча эмас,
Ҳар қанча ёмон дарди-да ҳижронча эмас.
Қандоқ кечайин жоним эсанг, мушкул эрур,
Дунёning бирор бойлиги чун жонча эмас!

¹ Бу рубоий Паҳлавон Маҳмудга ҳам нисбат берилади.

Хушбўй ҳидига мушк ила анбарни гадо
Қилгувчи у сочинг кечга, эй нозик адо,
Тушди оёғинг остига-ю, қилди нидо:
«Бошдан-оёғим бошдан-оёғингга фидо!»

Очди ўша дилбарим ниқоб бир ёқдан
Ҳам тонг кўтарди-ку ҳижоб бир ёқдан,
Қўпган эмаса қиёмат юз очди нега
Бир ёқдан ул ойу офтоб бир ёқдан?!

Бу ғамзадалар давосини билгайсан,
Ушшоқ¹ дилининг дуосини билгайсан,
Айтиб нима қилдим сенга ўз дардимни,
Мендан кўра яхшироқ уни билгайсан.

Бу ҳийла, дединг, йиғласам ишқингда зор,
Гар ҳийла эса, нечун кўзим қонли, ёр?
Сен ўз юрагингга менгзама ҳар дилни,
Йўқ, йўқ, санамо, диллар ичинда фарқ бор!

Сабримга, Худоё, мени сарвар айла,
Ҳақ нури билан дилим мунаvvар айла,
Бу ошиқи саргашта қулинг ризқини ҳам
Эл миннатисиз Ўзинг мұяссар айла.

Ошуфта этиб ишқ отли дарёда ўзинг,
Маҳв айладинг ўзликни бу савдода ўзинг.
Мен қайга етай зоту сифотингни тилаб,
Пинҳон-да ўзингсан-у, ҳувайдо-да ўзинг.

Ул тун менга берганда висолингдан ранг,
Ялдо каби тун қисқа-ю, кенглиkdir танг.
Ул тун vale мен забун билан қилсанг жанг,
Тун кўр-у, хўрор гунг-у, Сурайёдир² ланг.

¹ Ушшоқ — ошиқлар.

² Сурайёдир — юлдузлар туркумидаи бирининг номи. Олти кичик юлдузинг бир ерда жам бўлишидан иборат.

12

Дилдан сўрадим: «Ишинг нечук, сўйла, ҳабиб?»
 Тўлди унинг дийдаси ва ёш тўқди ҳадеб.
 Деди: «Не бўлар ҳоли ўшал кимсаниким,
 Умрин басар этгай у бирор хоҳиши деб?»

13

Не кунки, дилим гулхани ҳижронда куяр,
 Ашким ҳама ул дийдаи гирёнда куяр.
 Куйгай эдим онқадар, дилингдан ўзга
 Менда дили кофиру мусулмон-да куяр...

14

Мен дод этаман, ишқ илкидан дод этаман!
 Бир нозли санамга тушди ишқим, нетаман?!
 Ё жаҳд этиб васлига бир кун етаман,
 Ё қолдириб армонлара дилни кетаман...

15

Мажнун нима дашту нима тоғ — фарқ этмас,
 Ошиқ нима бош, недир оёқ — фарқ этмас.
 Маҳв айлаб ўзини сени ким топса — ўшал
 Менлик нима, сенлик нима, боқ — фарқ этмас.

16

Кўнглимки, ғаминг билан тўлиқдир, эй дўст,
 Дардинг туну кун менга рафиқдир, эй дўст.
 Мен кўнгли синиқларни севарман, дебсан,
 Бизнинг-да шу кўнглимиз синиқдир, эй дўст.

17

Ошиқману девонаману шайдоман,
 Машҳурману афсонаману расвоман,
 Кофирману бутпастману тарсоман²,
 Бундан-да баттарман неча бор ҳатто ман!

18

Мақсад йўли — Каъба, чалғима ўнг-сўлга,
 Майхона десанг, тушарсан ўзга йўлга.
 Майхона йўли валекин андоқ обод:
 Чайқалмай ўтар қадаҳ-да қўлдан-қўлга.

¹ Ҳабиб — дўст.

² Тарсо — насроний.

19

Дардингни чекиб, тадбири дармон қилмам,
Зулфингни севиб, орзуйи иймон қилмам.
Жононим, агар жон тиласанг, хуш бўлгай,
Жононим учун андишай жон қилмам.

20

Мансур¹ маърифат баҳри наҳанги гўё,
Тан пахтасидан жон чигитин қилди жудо.
Ул кунки, «Аналҳақ»ни оларкан тилга,
Мансур эмас эрди у — Худо эрди Худо!

21

Хоҳ шодману хоҳ қайғуда — ёдинг дилда,
Ултирсаму турсам — эзгу номинг тилда.
Ёдингга мен андоқ чулғанибман, эй дўст,
Кўрмайди кўзим ўзгани бу манзилда.

22

Бермиш сенга икки нарсани қодир Эгам,
Хўбликда қилар баҳс унинг ҳар иккиси ҳам:
Ул биттаси сийрат — тутасан дўст кишини,
Ул биттаси суврат — тутишар дўст сени ҳам.

23

Сенсиз менинг бир лаҳза қарорим йўқдир,
Гарчи карамингдан сира зорим йўқдир.
Тил бўлса-да танда ҳар туким — минг тил или
Шукрингни қилиш учун мадорим йўқдир...

24

Кўзим тўла ёшки, унга уйқу йўламас,
Ранжим — висолинг орзусидан ўзга эмас.
«Уйқунгда кўрарсан, кўзни юмсанг», — дерлар,
Билмаски улар, менга абад уйқу абас.

25

Эй хожа, дилингда-ку жамоли Оллоҳ,
Меҳрингни vale тортади боғ, хирмангоҳ.

¹ Мансур — машҳур сўфий Мансур Ҳаллож (858—922). «Аналҳақ» — «Мен — Худоман» дегани учун ваҳшиёна бир тара да қийнаб ўлдирилган.

Ошуфтасимиз биз оламі тажриднинг¹,
Бизининг ғамимиз: «ло илоҳа иллаллоҳ»².

26

Кўнглимдаги бор майлу таманно сенсан,
Бошимдаги бор оғриқу савдо сенсан,
Ҳар қанча ҳаётга боқмайин кўргайман:
Сенсан бугун-у, эрта-да танҳо сенсан!

27

Ҳар кексаю ёшнинг дили шод дардингдан,
Диллар сира бўлмасин касод дардингдан,
Мен хастани жисмини бу тупроқ уйида
Айлантириб ўйнар гирдбод дардингдан.

28

Мискин вужудим журм³ юқидан бўлмиш ҳам
Тангрим, бу қулингни қилмагил кўпдан кам.
Гарчанд амалимда сенга мақбул иш йўқ,
Лутфингни дариф тутма, Эгам, мендан ҳам.

29

Гоҳ худди фаришта ҳазрати инсонман,
Гоҳ ётиш-еишдан ортмаган ҳайвонман,
Гоҳ енгади шайтон — соҳиби исёйман,
Бу турфа феълимдан ўзимам ҳайронман.

30

Қаъбада хаёлинг этса банд бегона,
Тоат бари фисқу Қаъбадир бутхона⁴.
Гар дилда Худою сокини майқадасан,
Кечгай бу гуноҳингни ўзи жонона.

31

Ишқингда сенинг жонни фидо қилгим бор,
Кўйингда йўғу борни адo қилгим бор.
Қай кунки кўрарман сени, эй умри азиз,
Ул кунда сенга жонни фидо қилгим бор.

¹ Тажрид — бошқалардан ажралиш, танҳолик.

² Ло илоҳа иллаллоҳ — калимаси тавҳиднинг бошли-
чили қисми бўлиб, «Оллоҳдан ўзга илоҳ йўқ», демакдир.

³ Журм — гуноҳ, айб.

⁴ Бутхона — оташпаратлар ибодатхонаси.

32

Илм бирла амал агар баробар бўлгай,
 Ҳар икки жаҳон сенга муяссар бўлгай.
 Ул саҳфани, мағрур ўлма, хатм этдим деб,
 Қайтар у варақ ортига — дафтар бўлгай.

33

Мойилмиз-у май ичишга, тақво дилда,
 Дунёга берилгаймиз-у, уқбо¹ дилда.
 Дунё била дин сира келишганми, ахир?
 Бас, бўлган эмас на дин, на дунё дилда!

34

Ҳар қалбки, ишқ учун агар сайланади,
 Ишқ ўқига учмоққа ўшал шайланади.
 Қонга беланиб ётса-да, туриб-ийқилиб,
 Ўз қотилининг атрофидан айланади...

35

Маҳшар куни зўр савол-жавоб бўлгаймиш,
 Ёр «марҳамат»и қаҳру итоб бўлгаймиш.
 Ёрни қўлидан гарчи ёмонлик келмас,
 Диллардаги қўрқув беҳисоб бўлгаймиш.

36

Гар мадрасада сен энг билимдон бўлсанг,
 Ҳар даврада зўр, дониши даврон бўлсанг,
 Бу илм ила ишқ мактабида, тенг йўқдир,
 Еш бола каби ожизу нодон бўлсанг.

37

Бул аҳли замонадан ор қилгайсиз,
 Тарқ этгали суҳбатин қарор қилгайсиз.
 Топмайди ривож банда иши бандад билан,
 Уммидни Ўзидан ихтиёр қилгайсиз.

38

Ёр айласа қаҳрини намоён сенга,
 Ғам чекмаки, меҳри уни чандон сенга.
 Ойинадаги суратга ўҳшар жонон,
 Гар сен қарасанг, қарайди жонон сенга.

¹ Уқбо — охират.

39

Эй Тангри, мени ғамга гирифтор қилма,
То дўсту яқинлар қошида хор қилма,
Эл миннатисиз бергил Ўзинг ризқимни,
Лутфингни аяб, эл қўлига зор қилма.

40

Бир зот деди: «Ёр яшайди қай манзилда?»
Дедимки: «Ёр макони бизнинг дилда».
Дедики: «Дилинг қаерда?» Дедим: «Унда».
Деди: «У қаерда?» Дедим: «Уми? Дилда».

41

Ул ёр кўйида ошиқи мардонаман-ей,
Тушдим вужудимдан айру, бегонаман-ей,
Ул илм талаб қилмади — лаб бойланди,
Ул ақл харид қилмади — девонаман-ей.

42

Уд¹ йўқ эди, тол таёгини келтирдим,
Юз қорасию соч оқини келтирдим.
Ўзинг деган эрдинг-ку: умидсизлик — куфр,
Шул боис умид маёгини келтирдим.

43

Бир лаҳза юзингсиз истиқомат қилмам,
Кўйингда бировларни маломат қилмам,
Наслингни қидиргали иқомат² қилмам,
Ишқингда-ку тавба то қиёмат қилмам.

44

Айб айлама, эй хожа, агар ичсам май,
Ошиқлигу хумморлик учун этсам саъй.
Хушёр эканимда қуршаса ағёrlар,
Беҳуш эканимда оғуши ёрнинг шай.

45

Ишқинг хосу омдан эрса пинҳон, на қилай?
Дард ошса-да, тонилмаса дармон, на қалай?
Дил ўзгага майл этса қанийди, аммо
Мен истасам-у, бермаса дил ён, на қилай?

¹ Уд — бу ерда: ўтга ташлаганда хушбўй ҳид таратадиган ёғочнинг бир тури.

² Иқомат — бу ерда: саъй-ҳаракат маъносида.

46

Кўзғолди жаҳонда сени деб фитна-фироқ,
Муҳтожни яқин тутдинг-у, бойларни йироқ.
Сен ҳаммага сўзлайсан — эшитмас ҳамма,
Сен ҳамма-ла бирга — ҳамма кўрмайди бироқ.

47

Мажнунни паришонинг ўзим — имдод қил,
Оввораю ҳайронинг ўзим — имдод қил,
Ҳар чораси йўқнинг чорасози бўлгай,
Бечораю сарсонинг ўзим — имдод қил¹.

48

Дедимки: «Дилим». Деди: «Кабоб айлама кўп».
Дедимки: «Кўзим». Деди: «Селоб айлама кўп».
«Жоним», — деган эдим, деди: «Ишқ оламида
Кўп зору хароб, сен-да хароб айлама кўп».

49

Истар эсанг, Оллоҳ назарира илсин,
Тегрангда малаклар айланиб-ўргилсин,
Ё қилгил унинг ризолиги бор ишни,
Ё кўн, у сени ҳар нима қилса-қилсин!

50

Дил дардини сен давосини билгайсан,
Ўтли юрагим сазосини билгайсан.
Нетдим яшириб, гуноҳга ботган кишининг
Саркаш дили муддаосини билгайсан.

51

Ҳақ тоатисиз беҳишт умидин тутма,
Дин хотамисиз² мулки Сулаймон кутма,
Гар икки жаҳон розилигин истарсан,
Ҳеч битта мусулмон дилини ранжитма.

52

Эй барча тирик жонни яратган Биру бор,
Ҳар бир қадами уларни сенга ошкор.
Даргоҳингга бойладим умид риштасини,
Энди мени қўллагил ўзинг, эй Faффор!

¹ Бу рубоий Ҙалолиддин Румийга ҳам нисбат берилади.

² Хотам — узук.

Маълум эди сенга то яралишга қадар
 Қандоқ бўлиши аслида фарзанди башар,
 Бас, банда гуноҳи бандадан эрмас, Эгам,
 Ул банда қилас ҳар нени, амр этсанг агар.

Эй хожа, ўлим хаёли ғам келтиргай,
 Йиғлатга-ю дилни, кўзга нам келтиргай.
 Юз марта ҳаётни ўйлаган, бир марта
 Балки эсига ўлимни ҳам келтиргай.

Эй холиқи халқ, раҳнамое йўлла,
 Бул бенаво қулга бир навое йўлла.
 Иқболим ипига боқ: тугун узра тугун,
 Раҳм айла-ю, бир тугункушое йўлла.

Орифки, маърифат сиридан¹ огоҳдир,
 Ўзни унутиб, Худо билан ҳамроҳдир.
 Ўз нафъинг-у, Ҳақ вужудин исботин қил,
 Шул маъниий «ло илоҳа иллаллоҳдир».

Бегонанинг ишқи дилини тутди ватан
 Деб, ҳеч мени ёзғирмасин ул сарви суман,
 Чунки ҳали остонасининг тупроғи
 Қайноқ жигарим қонларининг тафти билан!

Тенгинг йўғ-у, ҳар кимса ҳаёлинг қилгай,
 Ё мен каби орзуйи висолинг қилгай.
 Ўз ҳосилини кўриб қувонса шояд,
 Ҳолиқки, томошон жамолинг қилгай.

Эй Тангри, карам эшигин оч юзимга,
 Кўринсий ўшал нажот йўли кўзимга.
 Ҳар икки жаҳондан озод айла, токи
 Ёдингни фақат кўрай раво ўзимга.

¹ Маърифат сири — Оллоҳ моҳияти ҳақидаги илм.

60

Ошиқ кеча-кундуз ўйлагай севганини,
Маъшуқ қизитар нозу карашма фанини.
Биз журму гуноҳ қиламиз, сен лутфу карам,
Ҳар ким қилади-да қўлидан келганини.

61

Эй ёр, биласанми, нимани хоҳлайман:
Васлинг сени — бор-йўғим мани, хоҳлайман.
Фарёду фифону оҳларим боиси шу:
Ҳар икки жаҳонда ман сани хоҳлайман!

62

Эй меҳргусил¹ сени кўнгил хоҳлайди,
Айёми висолни муттасил хоҳлайди.
Васлинг менинг мақсадим мудом Оллоҳдан,
Шунчадир умид қаичани дил хоҳлайди!

63

Ишқ ўлкасида бирор осуда дам йўқ,
Дард ортиғу бунда, озгина малҳам йўқ.
Чекмай аламу дард этма дармонни умид,
Беайбу гуноҳ умиди раҳмат ҳам йўқ.

64

Тут покиза дилни — боқади Ҳақ дилга,
Олмайди ғуборли дилни у бир пулга.
Зоҳид дилини покласа Оллоҳ йўлида,
Айлантирап у жумла башарни қулга.

65

Майдон кенг-у, аммо қани марди майдон?
Хозирги жаҳон мардларида йўқ иймон:
Зоҳирда агарчи авлиёга ўхшар,
Ботинда улар асли эрурлар шайтон.

66

Беғам яшай олмайди сира ошиқи лол,
Борми бедиёру ёрга бир ўзга завол?
Бермоққа бир ишвасига жон, не етсин,
Билмай нима ҳижрону нима васлу висол!

¹ М еҳргусил — гўзал маҳбуба.

67

Бўлганда аён табибга бул дарди ниҳон,
 «Ердан ўзгасига, — деди у, — боғла забон».
 Дедим: «Не таом ей?» Деди: «Дил қонини ич.
 Парҳез сенга бўлгай яна ҳар икки жаҳон».

68

Дунё сира қилмагай вафо инсонга,
 На отага қолди у ва на ўғлонга.
 То келса қўлингдан ўтказ умр тоат ила,
 Шул чарх иши ҳам гадою ҳам султонга.

69

Ҳайҳот, яна таратди хуш бўйини май,
 Қўпди яна оввозайи ҳою ҳай.
 Ҳақ сирлари янграр дил қулоғида мудом,
 Ўтлуғ тили-ла фақирга йўллар уни най.

70

Оҳ-нола чекиш — фақирга бор иш бу кеча,
 На сабр намоёндир-у, на ҳуш бу кеча.
 Ўтган кеча ёр билан кечирган лаҳза —
 Шодликка товон тўлаш билан хуш бу кеча.

71

Ёнган куни оламда муҳаббатнинг ўти,
 Маъшуқадан ошиқ куйиш илмин ўқиди.
 Ул дўст тарафидан келди бу сўзу гудоз,
 Шамъ ёнмаса, парвона сира куймас эди.

72

То ўз вужудингдан пушаймон эмасанг,
 Ориф эли бирла маству мастон эмасанг,
 Бу халқ назарида бўлмагайсан кофир,
 Ишқ мазҳабида агар мусулмон эмасанг.

73

Ўхшайди кумуш кўзага асли бу жаҳон,
 Гоҳ суви ширину гоҳи аччиқдир, аён.
 Умрим мана мунча, деб ғуурлама сира,
 Ҳар лаҳза ажал оти эгарлоқ бегумон¹.

¹ Бу рубоий Умар Хайёмга ҳам нисбат берилади.

Ҳайҳот, бу ғамимга эш бўлар одам йўқ,
Севгининг узун йўлида бир ҳамдам йўқ.
Дил қаърида роз жавҳари хирмон бўлди,
Тинглашга уни, нетай, бирор маҳрам йўқ.

Афсуски, ёшликни хуш они ўтди,
Хушбахтилигү шодликнинг замони ўтди,
Сув бўйида ташна ётдим-у, ёнимдан
Ул обиҳаётнинг хуш сурони ўтди...

Келгил яна, хоҳ баланду пастсан, келгил,
Кофири, мажусий, бутпараастсан, келгил,
Ҳеч бўлма умидсиз бу улуг даргоҳдан,
Минг марта магар тавба ушатсанг, келгил.

Мендан сўради бир киши: «Маъшуқанг ким?»
Тутдим ўша нозли санам исмини шу зум.
«Қандай яшаяпсан бу каби ёр қўлида?» —
Деб йиғлади ҳолимга ўшал зот юм-юм.

Ким ўтмаса жамъдан, у сира фард¹ бўлмас,
Ким кечмаса ўздан, у сира мард бўлмас,
Ким дўст йўлида бор-йўгини этмаса маҳв,
Бедарддир ўшал, кўнглида ҳеч дард бўлмас.

Бор дардим-у, ундан юрагим бирён-ей,
Бор ишқим-у, ҳар лаҳза кўзим гирён-ей,
Бир ишқи, дил тугул, жаҳон тоб бермас,
Бир дардки, йўқ унга сира дармон-ей.

Гар мисли Халил² бир Каъба бунёд этсанг,
Тоат ва намоз-ла уни обод этсанг,
Ҳар кун икки минг бандани озод этсанг,
Етмас ангаким, ҳаммани гар шод этсанг!

¹ Жамъ — фард — тасаввуфий тушунчалар.

² Халил — Иброҳим алайҳиссаломнинг лақаби.

Жон, дилдаги бор суврату маъно сенсан,
Мақсуди ҳама дин ила дунё сенсан,
Ҳам барча учун маъшуқи танҳо сенсан,
Лек кимга ниҳон, кимга ҳувайдо сенсан!

Осон неча минг Қаъбани обод айлаш,
Мушкул vale бир кимса дилин шод айлаш.
Этгандан асир лутф ила бир озодни,
Маъқул эди минг бандани озод айлаш.

Афсуски, киши огоҳ эмас дардимдан,
Йўқдир хабари бу чеҳраи зардимдан.
Дўстлик ҳақи, ол хабар фақирдан, эй дўст,
Топмайсан асар йўқса бирор гардимдан.

Ишқ сўзини қай дамки қулоққа илдим,
Жону дилу кўзни ғам тифида тиљдим.
Ошиқу маъшуқни икки деб ўйлар эдим,
Ул иккиси бир экан — ўзимдан билдим.

Келгил яна, то сидқу ниёзим кўргил,
Бедор кечалардаги намозим кўргил.
Девона эмасман-у, фироқинг, санамо,
Солди мени шу кўйга — мижозим кўргил...

Билгилки, тириклик бир умр дўст ила хуш,
Кўп эрса-да жабри, барибир дўст ила хуш.
Дерлар: «Тилагинг беҳиштми, дўст дийдори?»
Фофилдир улар, беҳишт ахир дўст ила хуш!

Ул дўст висол эшигини бизга ёпар,
Ҳар лаҳза фироқ оташида дилни ёқар,
Бас, мен-да шу кўнглимни синиқ тутгайман,
Дўст чунки мудом кўнгли синиқларга боқар.

На сену на мен азал сирин билгаймиз,
Е ушбу муаммони-да ҳал қылгаймиз,
Ҳақ пардасидан ташқарида бор сўзимиз,
Гар тушса у, на сену на мен қолгаймиз...¹

89

Севгиси унинг бўлди бало бошимга,
Ҳеч ажрамас — ўхшайди қариндошимга.
Қочмоққа уринсам ғамидан, ҳар гўшада
Тоғ-тоғ ғами пешвоз чиқади қошимга.

90

Сен ўйламаки, мени жаҳон қўрқитгай,
Ташрифи Азозил бегумон қўрқитгай,
Ҳақ бўлса ўлим, мен нега қўрқай ундан?
Худбинману шу мени ёмон қўрқитгай.

91

Сармояси инсон умрининг бир нафас-еїй,
Бўлсин шу нафасда маҳраминг ҳамнафас-еїй,
Ўлтиранг агар шу ҳамнафас-ла бир нафас,
Мазмуни ҳаётнинг худди шу бир нафас-еїй.

92

Ҳар ҳол била йўлингга кирилса хушдир,
Ҳар йўл била васлинг қидирилса хушдир,
Ҳар кўз била юзингни кўрилса хушдир,
Ҳар тил била номингни тутилса хушдир.

93

Бул чархи фалак кўзимга сенсиз тордир,
Юз манча² юк остида дилим абгордир,
Умримни узайтириб хижил қисмат ҳам,
Жонимни олиш эса ажалга ордир.

94

Қон бўлди кўнгил, мунча сабр кимга керак?
Эй жон, мени тарк этки, жабр кимга керак?

¹ Бу рубоий Умар Хайёмга ҳам нисбат берилади.

² Ман — оғирлик ўлчоби бўлиб, турли жойларда турлича қўлланилади. Масалан, Самарқандда бир ман — 8 пудга тенг бўлса, Табризда 3 кг атрофида бўлган. Шариат истилоҳида бир ман — 180 мисқол, яъни 846 граммга тенг.

Эй дийда, уялсанг бўлар ўз ҳолингдан,
Ёр юзини кўрмасанг, бу нур кимга керак?!

95

Кўз йиғлади — буткул ёшга дўнди жисмим,
Жисмим нима, ишқингда унудир исмим.
Мендан асаре қолмаса, бу ишқ нечун?
Мен бўлдим маъшуқ бутун, ошиқ ким?

96

Аҳд¹ ошиқимиз-у, жон унинг муштоқи,
Ёнгаймиз ишқ оташида то жон боқий.
Фам — газагу дард — надиму мутриб — нола,
Май бизга жигар қони-ю, кўзлар — соқий.

97

Бул умр баҳор абри — дўлига қолсин,
Бул дийдами — тоғларнинг селига қолсин,
Шундай яшаким, кўз юмсанг, ҳайрат қўлни
Тишламак иши башар элига қолсин!

98

Ошуфта юзимдан ҳамиша зар ёғади,
Кўзимдан эса қайғу саросар ёғади.
Ишқингнинг алангасида ёндимки чунон,
Севгимнинг булутидан самандар² ёғади!

99

Дилдан мурод улки, то ғамингга тўлсин
Ҳам тан ҳарами унинг саройи бўлсин.
Дардинг нима қилса дилни лутфдир, йўқса,
Тор дилга ғамингни чеккали йўл бўлсин!

100

Ҳақ зикрини айтмоққа забон яхши эмиш,
Тоатни қилиш тунда ниҳон яхши эмиш.
Утмоқ тиласанг пули Сиротдан осон,
Нон бер гадоларга, чунки нон яхши эмиш.

¹ Оллоҳ ўз ризосига әришган хос бандаларига охиратда жамолиини кўрсатишга ваъда қилган. Бу ерда шунга ишора қилинапти. — Э. О.

² Самандар — ағсонага кўра ўт ичида туғилиб, ўт ичида яшовчи, ранги ҳам оловранг жонивор.

УМАР ХАЙЁМ

(1048—1131)

Улуг файласуф, шоир, мунажжим, математик ва табиб бўлган Фиёсиддин Абулфатҳ Умар ибн Иброҳим Хайём Нишопурӣ—Умар Хайём Эроннинг Нишопур шаҳрида туғилган. Аниқ фанлар соҳасида ўз даврининг ягонаси бўлган олим томонидан тузиленган тақвим, манбаларнинг якдиллик билан гувоҳлик беришича, амалдаги Григориан календаридан ҳам аниқроқ бўлган. Унинг риёзиёт, илми нужум ва фалсафага оид бир қанча асарлари бизгача етиб келган.

Умар Хайём ўзини сира ҳам шоир деб ҳисобламаган. Рубоийларини илмий изланишлардан чарчаган пайтида турли дафтарларнинг ҳошиясига битган. Қисмат ўйинини қарангки, олим ўз умрининг асосий қисмини сарфлаган фанинг турли соҳаларидаги буюк қашфиётлари бир чеккада қолиб, у иккичи даражали ҳисоблаган рубоийлари Хайём номини дунёга таратди.

Умар Хайём рубоийлари кириб бормаган ўзбек хонадони бўлмаса керак. Унинг фалсафий мазмуни теран ва бадиий жиҳатдан пишиқ рубоийлари атоқли мутаржим Ш. Шомуҳамедов таржимасида бир неча марта нашр этилган. Кейинчалик таниқли шоир ва истеъододли таржимон Ж. Камол шоир рубоийларидан бир қанчасини ўз арузий вазни билан ўзбек тилига ўғирди.

Аввал тафаккурда туғилиб, кейин қалб қўрига йўғрилган Умар Хайём рубоийлари, бир сўз билан айтганда, олам ва одам ҳақида. Шоир дунё әврилишларига донишмандона босиқлиқ, таассуф арадаш лоқайдлик билан қарайди: дунёни ўзгартиришки қўлингдан келмас экан, уни деб қайгуриш беҳуда. Унинг учун туғилиш ва ўлим, яхшилик ва ёмонлик, ҳалол ва ҳаром — бир хил: ҳаммаси ўз табиий қонуниятига асосланади.

Дунёвий фалсафа вакили сифатида Хайём дунёни ақл элағида элайди — олам ва одам муаммосини умумфалсафа мезони билан ўлчайди. Шу маънода, Хайём ижодида биз одамдан ҳам, оламдан ҳам устун турадиган — дунёни қамраб оладиган шафқатсиз фалсафага дуч келамиз. Лекин фаранг файласуфи Ларошфуко: «Фалсафа ўтмиш ва келажак кулфатлари устидан тантана қиласи, лекин бугуннинг қайгуси фалсафа устидан тантана қиласи», — дегани каби Умар Хайём рубоийлари ҳам буюк мутафаккирнинг фалсафий мезонлариға бўйсунмаган, уларни ёриб чиққан залворли фикрлар пўртапаси, беором қалбига сизмаган оташин туйғулар силсиласидир. Агар шундай бўлмаганда, Хайёмнинг исёнкор шеърияти ҳам дунёга келмас эди.

1

Ҳар зарраки тупроқ қатида боқса тузук,
Шоҳ тожи эрур балки ўшал ёки узук.
Гардини сулувлар юзини аста сидир,
Бўлган эди бир вақт у ғубор қоши сузук...

2

Менман ўша осий — ризойинг қани, ҳей?
Кўнглим уйи зулмат — зиёйинг қани, ҳей?
Жаннатни берарсан гар итоат боис,
Бул ҳаққим эрур — лутфу атойинг қани, ҳей?!

3

Оҳ, кошки қазо лавҳига қўл етса эди,
Ўз хоҳишини унга дилим битса эди,
Фам оти бутун ер юзидан йитса эди,
Шодликни жаҳон бошига тож этса эди...

4

Ул зотки, замину чарху афлок тузди,
Доф солди кўнгилга — уни ғамнок тузди,
Бисёр ақиқ лабу ҳилол юзларни
Ер ичра яшири — бир сиқим хок тузди...

5

Масжидга магар ниёз учун келганман,
Қилмангки хаёл намоз учун келганман,
Сажжода¹ ўғирлаган эдим — эскибди,
Бас, покиза жойнамоз учун келганман.

6

Жисмимни ювинг бода билан ўлсам агар,
Ёд айласангиз соз яна май бирла саҳар,
Майхонанинг эшигига ташлайди назар,
Маҳшар куни мендан тилаган кимса хабар...

7

Ошиқки, мудом сархушу шайдо бўладир,
Девона, паришон яна расво бўладир.
Хушёр киши ғам-қайғу тузогига асир,
Хумор киши дунёга бепарво бўладир!

¹ Сажжода — жойнамоз.

Дунё дегани мөхнату даврон эса ғам,
Тақдир дегани оғат, тириклик-чи, ситам,
Филжумла, жаҳон ҳолига боқсам — кўраман:
Бегам киши йўқ бунда, магар бўлса-да — кам.

Бутхонаю Каъба — хонаси қулликнинг,
Зангўла чалиш — таронаси қулликнинг,
Меҳробу калисою¹ тасбеҳу салиб² —
Ҳақ улки, бари — нишонаси қулликнинг!

Бизларни қўғирчоқ қилиб ўйнайди фалак,
Шул сўздан аён ўрнимиз оламда, малак,
Қилганча ҳаёт саҳнасида жонни ҳалак,
Сўнг қисмат адам қаърига отмоқми палак?!

Бир коса шароб юз дилу динга арзир,
Бир қатраи май давлати Чинга арзир,
Йўқ ер юзида май каби ҳеч нарса — унинг
Аччиқлиги минг жони ширинга арзир!

Сармояси пул бўлмаса-да дононинг,
Пулсиз эса зиндан кўради дунёни.
Кўл қисқалиги сабаб бинафша мунглиғ,
Хандон лаби гулнинг зўридан тиллонинг!

Гар бодани тоққа берса, тоф рақс этади,
Ноқис киши майни қоралаб, наҳс этади.
Майдан сира тавба қилмагум — ушмундоқ
Бир нарсаки үл — тарбияти шахс этади!

Қорған кунни лойимни ўшал кунда Худо,
Феълимда не ҳам бўлса — ўзи қилди ато.
Гар ҳукми биландир ҳамма айбим — бехато,
Кўргай нега дўзах ичра ёқмоқни рабо?!

¹ Калисо — насронийлар ибодатхонаси, черков.

² Салиб — насронийлар динининг ғамзи, крест.

15

Эй дил, бу замондан сира эҳсон тилама,
Тартибни фалак чархидан, эй жон, тилама,
Дармон сўрабон ортади дардинг баттар,
Кўн дардига ҳар лаҳза-ю, дармон тилама.

16

Сабр айла, фалак остида гар бебоксан,
Май ич, бу жаҳон ўт эса, сен — хошоксан.
Аввал била охиринг, ахир, тупроқдир,
Рад айлама, бир куни бўларсан хоксан...

17

Ўлтирса эдим — қўлимда буғдой иони,
Ёнимда яна шаробу қўйнинг сони.
Вайронада ёрниким бўлиб қурбони,
Топмас бу сафони ер юзин султони!

18

Бул чархи жафопешаки, олий бунёд,
Бир дилни ҳануз айламагандир обод.
Доғдир дили ҳар кимсани кўрсанг, сўзсиз,
Доғ узра қўяр доғ яна чархи бедод...

19

Жон оламида ақл ила иш тутмоқ хуш,
Дунё ишида яххиси турмоқ хомуш.
То ўрнида эркан кўзу тил ҳамда қулоқ.
Топгайсан уларни унутиб осойиш...

20

Ҳар кимсани бор бўлса ейишга иони
Ҳам ўзига лойиқ уйи-ю ошёни,
Ул қул-да эмас бирровга, ҳоким-да эмас,
Бас, қандини урсин ўша — хуш даврони!

21

Менга май ичиб, шод юрмоқлик — одат,
Фориф яшамоқ куфр ила диндан — тоат.
Сўрдим: «Қалиннинг не?» — дея дунё қизидан,
Ул деди: «Қалин — шод дилинг ҳар соат».

«Бас, борми ариқким — суви ортга қайтар?» —
Шундай дея ўрдакка балиқ нақл айтар.
Ўрдак деди: «Бизларки, кабоб бўлсак гар,
Йўқ фарқи, жаҳон — сувми, сароб ё баттар...»

Дерларки, биҳишту ҳуру кавсар бордир,
Анҳор тўла май, сут, яна шаккар бордир.
Тутгилки қадаҳни тўлдириб илкимга,
Йўқ насяси, бас, нақди муқаррар бордир!

Эрмас эмиш ичмоқ сира шаъбондараво,
Кўш сўнгра ражаб ойини — ул хоси Худо.
Оллоҳу расулга қўй бу икки ойни,
Сен ич рамазонда¹ май — бу ой бизники то!

Ҳар қанчаки менга ҳусни зебо берди,
Лола каби юз, қомати раъно берди.
Ўткинчи жаҳонда менга наққоши азал,
Билмам, не учун бунчалик оро берди?!

Ул кўзаниким бодаси йўқ — аҳволи бад,
Тўлдир косани, ўзинг ичу, менга узат.
То кўзага айлангунича тупроғинг
Умрингнинг ўтар ҳар онини бил ғанимат.

Ул фасли йигитликда шароб кўп яхши,
Зебо юз илан бодаи ноб кўп яхши,
Бул олами фоний эрур уйқую хаёл,
Бас, бунда яшаш маству хароб кўп яхши.

Қўнглинг тилаган ёр ила бўл бир умр,
Ишқ шавқи, ҳаёт завқига тўл бир умр,
Йўқлик сари кетмоқ эмиш охир қисмат,
Билмас бу абад уйқуни гўл бир умр...

¹ Р а ж а б , ш а Ҷ б о н , р а м а з о н — араб тақвимида ҳижрий-қамарий йил ойлари.

29

Хеч кимга насиб ўлмади ул васли нигор,
Тўлмай замон ҳасратидан кўнглига хор¹.
Кўз ташла тароққа; то тилинмай бағри,
Зинҳор яқинлатмади, бас, зулфига ёр.

30

Ул чарх қулоғимга шивирлар аста:
«Бўлсайди қазо ҳукми менга пайваста,
Бул бемаъни айланишни тарк этгайдим
Битганда, башарти, гардишимга даста...»

31

Еш тўқди келиб ўт узра йиғлоқи булат,
Шод этгали дилни қирмизи бодани тут.
Шул сабза каби кўзни қувонтиргувчи
Оромгоҳ ўлур бизнинг-да гулзори вужуд...

32

Айлангучи чархдан улушинг, дилбар, ол,
Илкингга тараб тахти аро соғар ол,
Бас, тоату айбингга Худо зор эмас,
Дунёда мурод тухмини соч, гавҳар ол!

33

Биз май ичамиз майкадага нур киритиб,
Бул ишни қилолмас киши минг тавба тутиб.
Гар менда гуноҳ бўлмаса — раҳмат на қилар,
Бас, кўрсатади раҳматини Тангри нетиб?

34

Вайронада ёру мутрибу бодаю ман,
Жону дилу жому тўн шароб дарди билан,
Йўқ раҳмат илинжи-ю, азоб ваҳми абас,
Кечдим ўту сув, хоку шамол ташвишидан!

35

Хайём тикар эрди чодири ҳикмат, оҳ,
Фам кўрасига тушди-ю ёнди ногоҳ.
Миқрози² ажал кесди ҳаёт риштасини,
Даллоли амал текинга сотди, эвоҳ...

¹ Х о р — тикан; дард-алам.

² М и қ р о з — қайчи.

36

Ишқ — боши жағон дафтариңинг, маъноси,
Ешлик ғазалин матлаъси — муддаоси.
Эй, англа, хабарсиз юрган ишқ оламидан,
Ишқ бирла яралган бу башар дунёсн!

37

Ешлик деган ул нома ўқилмиш — битмиш,
Умримнинг баҳори қиши томон юз тутмиш.
Билмайман, ўшал баҳт қуши — ёшлик отлиғ,
Бошимга қачон қўниб, қачон тарк этмиш?..

38

Наврўз куни лола юзини ювди булут,
Шаҳд айла-ю, тур — қўлингга соғ бодани тут,
Қабрингдан унар эртага — ҳеч қилма унут,—
Сайр этганинг ушбу кун ҳама сабзаю ўт...

39

Аслида умид донаси хирманда қолур,
Боғ ҳамда сарой на сану на манда қолур,
Бас, сийму зарингни доналаб йўққунча,
Дўстлар-ла еб-ич, бўлмаса душманда қолур.

40

Ё Раб, не учун май жомини синдиридинг,
Айш истагида эрди кўнгил — тиндиридинг,
Мен ичдиму май — сен қиласан бадмастлик,
Оғзим тўла қум айлаб, нима ундиридинг?!

41

Май кўҳнами, янги — биз харидормиз унга,
Бир арпани ҳайф билгучимиз даҳри дунга.
Сен қайга юбормоқни ўлар чоғ сўрама,
Май бер-у, жўнат хоҳ биҳишт, хоҳ дўзахингга!

42

Тут бодани — очсин ўша баҳри дилимиз,
Хуснинг била ҳал эт яна ҳар мушкулимиз,
Бир кўза шаробни, кел, ичайлик бирга,
Айлангунича кўзага бизнинг гилемиз...

43

Истар эсанг умр асоси маҳкам бўлсин,
Бир дам бу дилинг жаҳонда хуррам бўлсин,

Тарк айлама бир лаҳза шароб ичмоқни,
То лаззати умрингнинг дамодам бўлсин!

44

Хусн аҳлига улким лаби хандон бермиш,
Дард аҳлига ўз жигаридан қон бермиш.
Гар қисматимиз бўлмаса шодлик — ғам йўқ,
Шодмиз барибир, қайфуни чандон бермиш...

45

Бермиш туну кун даҳрга азалдан сайқал,
Чарх айланар эрди сира қилмай маҳтал,
Тупроққа қўй оҳиста қадамингники, ул —
Кўз гавҳари эрди бир гўзлнинг аввал...

46

Ишқида сулув ёрни дилим зор бўлмиш,
Ул ғамга бўлак ерда гирифтор бўлмиш.
Мен дардима дори истабон этсам саъй,
Ҳайҳот, табибимнинг ўзи бемор бўлмиш.

47

Ул лола юзини тонгда шабнам тутади,
Бинафша чаманда бўйнини хам тутади.
Яйрайди кўнгил ғунчага боқиб, рости,
Ёймас этагини у сира — жам тутади.

48

Бир лаҳза куфр манзилидан динга қадар,
Бир лаҳза гумон оламидан чинга қадар.
Бул бир нафаси азизни хуш ўтказгил,
Бир лаҳза ҳаёт ҳосили — ўлгунга қадар...

49

Оввоза эмиш элда ғамим, эй соқий,
Андозасиз ул маст дамим, эй соқий,
Хаттингдан эрурман қарилликда сархуш,
Дил тоза, баҳор ҳамдамим, эй соқий..

50

Қошимда мудом шароби ноб бўлса, на соз!
Ҳам тинглаганим наю рубоб бўлса, на соз!
Гар кўза ясар бўлса кулол хокимдан,
Ул кўза-да лиқ тўла шароб бўлса, на соз!

51

Биздан ўша Мустафога¹ айтинг-да салом,
Ул дам сўранг ундан айлаб эъзозни тамом:
«Сайид, шариатда аччиқ айронни ҳалол
Айлаб, нега қилдинг покиза майни ҳаром?!»

52

Тортиб машаққатни киши ҳур бўлади,
Ул қатра садаф ичра яшаб дур бўлади,
Мол кетса, қолур ўрнига бошинг-ку омон,
Жом бўшаса, май-ла яна маъмур бўлади!

53

Бул кўза менингдек ошиқи зор эрди,
Бир сочи узун малакка хуштор эрди,
Бул дастаки, кўза бўйнида — эрди-ю қўл
Ҳам ўрни мудом гардани дилдор эрди.

54

Дедимки: «Бўлак бодаи гулгун ичмам,
Ток қони эрур шароб, етар, хун ичмам».
«Жиддийми сўзинг?» — деб қари ақлим сўрап,
Кулдим: «Э, ҳазил бариси — нечун ичмам?!»

55

Май ичса магар гадо — амирликка етар!
Теккисса лабини тулки — шерликка етар!
Гар кекса татиб кўрса — яшаргай шаксиз,
Сипқорса йигит шаробни — пирликка² етар!

56

Ҳеч кимсани ранжитма илож топсанг агар,
Оғритма бирор дилни — сира сочма заҳар.
Гар мангу фароғатни этарсан тамаъ,
Чек ёлғиз ўзинг учраса ҳар қанча кадар.

57

Шундай ичайин майни — бу қул ўлса эди,
Ҳаттоки гўрим май ҳидига тўлса эди,
Қабрим қошидан ўтар экан ҳар кимса,
Ул май ҳидидан масту хароб бўлса эди!

¹ Мустафо — Муҳаммад пайғамбарнинг лақабларидан бири.

² Пирлик — қарилик, кексалик.

Охирласа умринг сени — аччиқми, ширин,
Бағдодида ўлдинг нима, Балхида у кун?
Ич майни, ҳилол сен била мендан сўнг ҳам
Минг марта бўлур маҳву чиқар боз, тайин.

Қушмиз гўиё биз — икки оёғида дом,
Дилхастаи рўзгор, яна ошуфта мудом,
Саргашта бу доирада — йўқ эшигу том,
Етдик на тилакларга, бажо бўлди на ком.

Майхонада кўрдим битта чолни — хуммор,
Сўрдим хабарин ўтгану кетганинг зор.
Сўз қотди у: май ич, сену мендек бисёр.
Тарк этди-ю дунёни — хабар йўқ зинҳор...

Бир қўлда қизил май, бирида ёр зулфи,
Ўлтиrsa чаманда очилиб дил қулфи,
Май ичса жаҳоннинг ташвишини чекмай,
Ул зот биладир чин айш қилмоқ урфи!

Қай дамки, бинафша юзига ранг югурап,
Йиртиш бўлади гул этагин елга ҳунар.
Оқил киши гулшанда сулув ёрни қучиб,
Май ичгаю май кўзасини тошга урап!

Дунёning ғами — заҳар, шаробдир дафъи,
Йўқ бода ичувчига заҳарнинг хавфи.
Ич сабзада майни сабзахат ёрни қучиб,
Кўмгунча гўринг сабзага қисмат лавҳи...

Гар биз йўқ эсак ҳам, бу жаҳон бўлгайдир,
Биздан на бирор ном, на нишон бўлгайдир,
Мавжуд эмас эрдик кеча — етмовди халал,
Эртан яна йўқмиз — у ҳамон бўлгайдир...

65

Соз дилни мудом бода билан шод этсанг
Ҳам ўтгану келмагани кам ёд этсанг,
Боз устига, зиндоний омонат жонни
Бир лаҳза ақл илкидан озод этсанг.

66

Тутгилки қадаҳ менга — сухан чофи, ҳабиб,
Ул писта лабингким, бу кеча бўлди насиб.
Кел, қўлга юзингдек майи гулгунни узат,
Тавбам яна зулфинг каби кетмишчувалиб...

67

Сайёди азал дона сепиб, дом қўйди,
«Одам» дея сўнг ўлжасига ном қўйди.
Айлаб ўзи бор яхши-ёмонликни мудом,
Айбин авом устига ҳар айём қўйди.

68

Хушёр эканманки, қувонч пинҳондир,
Гар маст эсам, ақлима бир нуқсондир.
Мен бандасиман ул ҳолнинг — мастилик ила
Хушёрлик аросинда — ҳаёт шул ондир.

69

Ул кунки, қилувдим кўзагар сори гузар,
Ҳар лаҳза у кўрсатарди хокдан ҳунар,
Боқиб унга кўнглим бир ҳақиқатни сезар:
Хокини азизларни у илкида эзар...

70

Мисру Руму Чин агарда мулкинг бўлгай,
Осмону замин қўлингда тутқун бўлгай,
Бир газ еру икки газ кафан, билсанг агар,
Бизларнинг улуш жаҳонда ул кун бўлгай.

71

Бизнинг ўша майхона саҳар берди садо:
Эй, тингла мени, ринди хароботу гадо,
Паймонани ол қўлга — етайлик тагига,
Бўлгунгача паймонаси умрингни адо.

72

Дўстлик уйини ҳамиша бунёд этинг,
Тез-тез кўришиб, бир-бирингиз шод этинг,

Қүйғанда шароб косага соқый, мани
Бечорани ҳам дуо билан ёд этинг.

73

Тонг чогида ул гулки, кулиб тўкилади,
Ел бирла ҳикоятни қилиб тўкилади,
Ўн кун ичидагул ниш ураг, ғунча тугар
Ҳам очилар ул, ҳидга тўлиб тўкилади.

74

Ол кўза, пиёлаю қулоқ бер бу сўза:
Жой танла ариқ бўйию ҳам кўклик уза,
Ой юзли, алиф қадли малакларни фалак
Юз марта пиёла қилди, юз марта кўза.

75

Индиннинг жилови эрмас илкингда сени,
Сифмас қаричингга дунёнинг бўю эни,
Ойдинда симир майни, эй ой, то бу ҳилол
Топмай сира порлар неча сен бирла мени...

76

Гул фаслию, сув ёқасиу, сабзада шод,
Ҳам улфату чору, бир ҳур ошиққа мурод.
Тутсин қўлига қадаҳ — саҳарда ичган
Бутхонаю масжидни сира этмади ёд.

77

Асрор эса пинҳон дилида дононинг,
Сир баҳсида лол қолдиради анқони.
Ул қатра дўнар дурга садаф ичра яшаб
Пинҳон сири бўлганлигидан дарёнинг.

78

Бегона яқин менга, вафо қилса агар,
Ётдир у қариндошки, жафо қилса агар.
Ёқмасми асал, йўқ сира ҳам шак, у — заҳар,
Болдирки заҳар, дардга даво қилса агар.

79

Бўстон сари йўл олди ўшал булбули масти,
Май жомиу гул чеҳрасини топди, абас,
Ул дам унугиб ўзни қулоғимга деди:
«Қайтмас сира, билгил, ғанимат ушбу нафас!»

Тарк айламасингдан бу қадим оламни,
Ич бодани — қувгай у күнгилдан ғамни.
Оч зулфини ҳурларнинг мудом бандма-банд,
Банд-бандга ажратмай бу чарх одамни...

Боқ, тонг елидан гул этаги чок бўлади,
Булбул етишиб ғунчага қувноқ бўлади.
Гул соясида ўтири, у қумга сингса,
Бизнинг-да вужуд эртага тупроқ бўлади...

Умринг югуриб зумда, ажаб, ўтгусидир,
Ўлтирма бепарвоки, тараб ўтгусидир,
Ғам чекма, хазон фаслини ўйлаб, соқий,
Ич май, кечалар бода сўраб ўтгусидир...

Бермоқ яширин сирдан хабар хоҳлайман,
Қилмоқ vale сўзни муҳтасар хоҳлайман:
Ишқинг ила ер қаърига кирмоқни-ю, боз
Мехринг ила топмоқни самар хоҳлайман...

Кўнглингни қилас замона ғамгин ҳар чоқ.
Пок руҳинг учар худди дараҳтдан япроқ,
Бас, бир неча кун сабзада ўлтири, шод бўл,
Ўстирмайин ўт кўксига бизнинг тупроқ.

Соқий, гулу кўкликка назар сол — қувноқ,
Завқ этки, ўтиб ҳафта у бўлгай тупроқ.
Май ичгилу гул тер: яна бир боққунча
Гул қумга сингар, хашак бўлар ўт мутлоқ.

Эртан бу нифоқ илмини бас қилгайман,
Оқ сочим илан бодага қасд қилгайман.
Етмишга етибман, мана, шодлукни демак,
Мен қилмасам энди, қай нафас қилгайман?!

Қуръонники, бекадр калом ўқирлар,
Гоҳ-гоҳ, яъниким, олиб ором ўқирлар,

Бордирки пиёла четида бир оят,
Хар ерда уни ҳамда мудом ўқирлар.

88

Тўрт кун бу тириклик, басе, нўш айла шароб,
Тўрт кунлик умр қайтмагай — ўтказ беитоб.
Билгилки, жаҳон тутар хароблик сари юз,
Сен ҳам кеча-кундуз яша, бас, маству хароб.

89

Ишқ улки, фалак хуршиди янглиғ безавол,
Ишқ улки, чаманинг қуши очган сара фол.
Булбул каби нола айламоқлик ишқмас,
Ишқ улки, унут нолани, гарчанд бу маҳол.

90

Токай бу замон ҳасратидан маҳзунсан,
Кўзлар тўла ёш ҳам дили лим-лим хунсан.
Ич бодани, сур айшни, кўнгилни хуш тут,
Чиқмай туриб ул доирадан бул кун сан...

91

Хар сабзаки, сувнинг бўйидан жой олмиш,
Ул талъати ҳур хаттини ёдга солмиш.
То сабза сари ташла оёғингни аяб,
Ул сабза санам чеҳрасидаги холмиш...

92

Кун яхши, ҳаво бўлса на совуқ, на илиқ,
Гулзор юзидан ювди булат чангни тўлиқ.
Булбул-чи, сариқ гул била ўзни унутиб,
Ушшоққа «шароб ич», дея бермоқда йўриқ.

93

Үйғонки, саҳар чоғида озода йигит,
Биллур каби жом ичра тутиб бода йигит,
Хар лаҳза фано кунжида ўткинчи эрур,
Топмас киши излаб уни сўнг, сода йигит...

94

Хар яхши-ёмонликки, башар табъида бор,
Хар шодлигу кулфатки, қадар лавҳига ёр.
Осмонга ҳавола этма, идрок йўлида
Сендан бу фалак ожизу бечораю хор...

Беморману дил имтиҳонимда менинг,
Май ҳўпламасам — у қасди жонимда менинг.
Боқ, турфа экан ҳар нима bemorlikda:
Майдан бўлаги эмиш зиёнимда менинг.

Наврўзда қўлингга тут қадаҳ лола мисол,
Топсанг яна лолаюз билан айла висол
Ҳам ҳўпла шароб хурраму шод, кўхна фалак
Бир кун бу алиф қадни эгиб қилгуси дол.

Чарх узра бирор зафар тўнин кийган эмас,
Одамни ютиб, замин сира тўйган эмас,
Кеккайма мени емади деб, ҳеч кимни —
У навбати келганда емай қўйган эмас.

Тут қўлга шароби лолагун, эй соқий,
Турсин жўш уриб кўзада хун, эй соқий,
Бир ёри муnis жаҳонда йўқ, жом ичра
Ул дўсти асилки, яширин, эй соқий.

Кўкламда қилиб нозли санам ҳимматни,
Ўтлоқ бўйида тутса майи ишратни,
Ўйғотса-да эл ичра сўзим нафратни,
Мендан кўра ит яхши, десам жаннатни!

Кун бўйи дегум: тунда қилар дил тавба,
Май косасию кўзасидан ул тавба.
Энди эса атрофда баҳор — тавба қаён?
Гул мавсумида тавбасидан қил тавба!

НАЖМИДДИН КУБРО

(1145—1221)

Машхур шайх, йирик тасаввүф олыми, халқ қаҳрамони ва оташнафас шоир Нажмиддин Кубро Хева яқинидаги ҳозирги Саёт қишлоғида туғилған. Үнинг түлиқ исми — Аҳмад ибн Үмар Абулжаниб Нажмиддин ал-Кубро ал-Хевақий ал-Хоразмий. «Шайхи валийтарош» — «Авлійәлар етиштирадиган шайх» номи билан шуҳрат қозонған бу улуғ инсон тасаввүфдаги машҳур Кубравия тариқатига асос солған. Тариқат аҳллари зикри хуфия (овоз чиқармасдан зикр қилиш) усулинни тарғиб этгандар. Кубравия таълимоти асосан Марказий Осиё ва қисман Эронга тарқалған.

Нажмиддин Кубронинг ўнга яқин асарлари фанга маълум. Үнинг, айниқса, «Ал-усул ал-ашара» («Ўнта усул»), «Фавойиҳ улжамол ва фавотиҳ ул-жалол» («Жамол хушбўйликлари ва жалолнинг кашфи»), «Рисолат ул-ҳоиф ул-ҳоим ан лавмат ил-лоним» («Кўрқувчи овворалар ва маломат этгувчи маломатийлар ҳақида»), «Тафсир», «Шарҳ ус-сунна вал-масолик» («Сунна ва эзгуликлар шарҳи») китоблари машҳур. Кубро ўз асарларини асосан араб тилида ёзган. Фақат бошловчи сўфийлар учун қўлланма сифатида яратилған «Фи одоб ус-соликин» («Соликлар одоби ҳақида») асари ва рубоийларини форсийда битган. Инглиз шарқшуноси Ж. С. Тримингэм «Соликлар одоби ҳақида» асари тасаввүфнинг эронийлашувида муҳим босқич бўлганлигини қайд этади.

Баъзи бир тадқиқотчилар Кубронинг «Рубонийлар» китоби ҳам мавжудлиги тўғрисида маълумот берган бўлсалар-да, бу ноёб тўплам ҳали тошилған эмас. Биз фақат атоғли шарқшунос Е. Э. Бертельс томонидан Кубро қаламига мансублиги таҳмин қилиниб, турли тазкира ва баёзлардан танлаб олинган ва олимнинг «Тасаввүф ва тасаввүф адабиёти» китобида келтирилган 25 та ژубоийгагина эгамиз.

Нажмиддин Кубро қаламига мансуб рубоийлар асосан тасаввүф дунёқараши тарғибига — Ҳақиқатни излаш, Оллоҳга бўлган ишқни куйлаш, Ҳақ йўлига даъват қилиш, Оллоҳ муҳаббатини қозониш мақсадида тариқатга кирган соликнинг ҳол ва мақомтнинг турли босқичларидағи ўй ва кечқималари, ранжу изтиробларини тасвиrlаш, сўфий-дарвешларни улуғлаш, нафси қоралаш, Ҳақнинг рамзи бўлмис маъшуқа гўзаллигини таъриф тавсиф этиш, тоҳ висол умиди, тоҳ ҳижрон азобидаги ошиқ

ҳолатини иғодалашга бағищланган. Бу рубоийларда ишқни тарк этиш тилаги, бутхонага майл, шаҳид бўлиш орзуси, фақру фано ва бошқа тасаввуфий ҳолат-кечинмалар хусусида ҳам сўз боради.

Шундай қилиб, Кубронинг қатор рубоийлари тасаввув таълимотининг у ёки бу назарий қоидасининг шеърий иғодасидир.

1

Ҳар нарсаки, йўқми — йўқ ўшал мисли шамол,
Ҳар нарсаки, борми — оқибат топди завол.

Бор нарсани оламда гумон эт йўқ деб,
Йўқ нарсани бор дебон бироқ айла хаёл...

2

Йўлингда ақл ҳадис ва афсона топар,
Кўйинг сари йўл мардуми девона топар.
Савдоинг ила мен каби минг дилсўхта
Каъбадин илик тортар-у, бутхона топар.

3

Ё раб, ўзинг асра, дил жудолик истар,
Сендин кечиб, ўзга-ла ошнолик истар.
Ишқингдин илик тортса — тутар дўст кимни?
Кўйингдин оёқ тортса — хатолик истар.

4

Ҳақ йўлига ҳар лаҳза саъй этмак лозим,
Дунёдан этак тортмагу кетмак лозим.
Дийдангни давола, зеро, олам ҳама — Ул,
Кўрмак Уни — асрорига етмак лозим.

5

Ошиқ кишининг кўнгли тўла дард бўлгай,
Дил дарди билан мард яна ҳам мард бўлгай.
Ўз ишқи ўтида у ёнаркан — бул дам
Дўзах ўти ўзгалар учун сард¹ бўлгай.

6

Эй дийда, ўзингсан бегумон душмани дил,
Сен боис учар елга ҳама хирмани дил.
Бас, солма назар бегона юзларга сира
Журм остида қолмасин, десанг, гардани дил.

¹ Сард — совуқ.

Ул бодани ичмадимки, ҳүшёр ўлсам,
 Ул масть эмасман дағи бөдор ўлсам,
 Тарк этсам адам¹ бирла вұжудни, тонг йўқ,
 Бир жилвайи ҳуснинг ила хуммор ўлсам.

Нақш этсаму тоатимни парча нонга,
 Берсам уни итга — ётибон зиндонга,
 Келган эса-да очлигидан афғонга²,
 Үрмас тишини номус этиб ул нонга.

Эй дил, бу қадар муфлис³ экансан, расво,
 Сен лойиқи тоза ишқ әмассан асло.
 Шиддатли алангадир бу ишқ — әрмас сув,
 Ул ишқ ила булҳавас⁴ бўлолмас ошно.

Эй тун, ҳадемай саҳарга айлангайсан,
 Бул дарди дилим қувишга шайллангайсан.
 Мақсад сари етказишига дилни балки,
 Эй тонг, ўзинг, бешубҳа, сайлангайсан.

Пинҳон эмас асло — ичда бир дев бордир,
 Бошини кўтармоғи унинг душвордир.
 Иймонини минг мартаба талқин қилдим:
 Ул асли азал муслим эмас, куффордир⁵.

Ишқингни бу марданаю фарзона кўнгил
 Бир сония тарк этмади, жонона, кўнгил.
 Ишқ бодасини қўлимда тутган лаҳза
 Лиқ тўлди жигар қонига паймона, кўнгил.

Сендан ҳама шўхлик ва паришонлигимиз,
 Сендан ҳама ошуфтаю ҳайронлигимиз.

¹ Адам — йўқлиқ.

² Афғон — нолалар, фарёдлар.

³ Муфлис — бечора, бенаво; бефаҳм.

⁴ Булҳавас — енгилтак, бекарор.

⁵ Куффор — коғирлар, динсиазлар.

Хар торига кокилингни дил бойлашимиз,
Сендан ҳама ғунча каби хандонлигимиз.

14

Дарвеш элига айлама таънаки, улар
Қандай туғилган эса — шундай ўлар.
Бир олам зар бергил-у, ол бир арпа —
Билмоқчи эсанг кимлигини асли улар.

15

Бир талъати¹ моҳки, оламоройи ҳама,
Васли кеча-кундуз таманной² ҳама.
Гар эл каби сўймаса мени —вой менга,
Лек ҳаммани сўйса мен каби —войи ҳама.

16

Бир кун кўрасанки, жон танимдан кетган,
Бошимга фифон чекиб халойиқ етган.
Кошки келиб бошимда ўтиранг, айтсанг:
Ўлдирган ўзим, ўзим пушаймон этган...

17

Васлингдан ўлиб дил фирмўз³ тун охирида,
Ҳажрингдан ўлиб дидадўз⁴ тун охирида,
Эй, кокили кун сўнггида тундек зулмат,
В-эй, орази худди кундуз тун охирида.

18

Софий бўлиб, айла бир кеча оҳу фифон,
Дунёни Яратган ҳаққи, қўзғол шу замон:
Ханжарни қўлингга олу эт ўзни шаҳид,
Ёр васлини истаса, нетар жисмни жон...

19

Ишқинг майини ичиб бу дил маст бўлгай,
Ҳажринг ғамини чекиб, у, бил, паст бўлгай.
Бир боқсанг агар — кўйингда тупроқ бўлган
Жонсиз танага жон пайваст бўлгай!

¹ Талъат — юз, чехра; гўзаллик, ҳусн.

² Таманно — истак, умид, мақсад.

³ Фирўз — баҳтили, ғолиб.

⁴ Дидадўз — интизор.

20

Ҳар кимки, қилар кўргали ул юзни талаб,
Енгиб ғууруини, айласин ўзни талаб.
Ул қайда-ю, биз қайда — кўринг қисматни:
Сомон бўлибмиз қилиб юлдузни талаб...

21

Ул моҳлиқоларки, асил юрти Чигил¹,
Тупроқми асоси ёки нур, сўйла-чи, гил?
Кўнглингни олиб қўлга, қилар қасд жонга,
Воҳ, бу не балоки, этди ҳолимни чигил.

22

Сумбул сочидан мен бегумон қўрқарман,
Хатти хушу феъли беомон — қўрқарман.
Халқ қўрқса ёмон кўздан агар, мен шўрлик
Яхши кўзидан ёрнинг ёмон қўрқарман.

23

Ҳар сабзаки, сувнинг бўйидан жой олмиш,
Ул талъати ҳур аксини ёдга солмиш.
Хорлик била лолалар уза қўйма қадам,
Ул лола санам вужудидан тимсолмиш².

24

Бандангга фақирликни шиор этмишсан,
Ҳам ёрсизу маҳрамсизу зор этмишсан,
Бас, қайси ибодатим учун мен бирлан
Дўстлик ва яқинлик ихтиёр этмишсан.

25

Сенсан икки олами яратган Биру бор,
Кўйингда ўлиб бандаларнинг хоку ғубор.
Сендан — улашиб ризқини ҳар жонзотнинг,
Сендан яратиш — хоҳи мӯғул, хоҳи тотор...

¹ Чигил — қадимги туркий қабилалардан бирининг номи.
Чигил қизлари ўз гўзалликлари билан машҳур бўлганлар.

² Бу рубоий Умар Хайёмга ҳам писбат берилади.

МАЖДИДДИН БАҒДОДИЙ (вафоти 1217)

Шайхи валийтароп Нажмиддин Кубронинг шогирди ҳамда улугъ авлиё ва оташнафас шоир Фаридиддин Атторнинг устози бўлган Шайх Маждиддин Бағдодий турли манбаларнинг хабар берипича, Хоразмнинг Бағдодак деган қасабасида туғилган. Тўлиқ исми ва кунияти — Абусайд Шараф иби Муъззийад, XIII аср тасаввуфи тараққиётига катта таъсир кўрсатган бу буюк шайх ва шоир Марказий Осиё ва Шимолий Форс ўлкасида шуҳрат қозонган. «Сағар рисоласи», «Тухфат ул-барара» («Яхшилар совғаси») каби тасаввуғга оид асалари ва сўғиёна рубоийлари мавжуд.

«Тангри наздида энг маъқул жиҳод золим подшоҳга айтилган ҳақ сўздир», — деган ҳадисга амал қилган Маждиддин Бағдодийни Муҳаммад Хоразмшоҳни тўғри йўлга солишга урингани учун 1217 йилда Амударёга чўқтириб ўлдирадилар.

Ўзбек китобхонлари Маждиддин Бағдодийнинг ҳаёти ҳақида ҳам, ижоди ҳақида ҳам бирор маълумотга эга эмаслар. Адабиёти-миздаги ана шу кемтикни бир оз бўлса-да тўлдириш мақсадида Е. Э. Бертельс турли қўллэзма манбалардан топиб, ўзининг «Тасаввуғ ва тасаввуғ адабиёти» китобида эълон қилган шайх-шоир рубоийларини таржима қилиб, ўқувчилар ҳукмига ҳавола этишини лозим топдик.

Маждиддин Бағдодий рубоийлари унинг оташин шоир бўлганилигидан далолат беради.

1

Шамъ бўлса юзинг, кўйида парвона ўзим,
Дардингга қариндош дилу бегона ўзим,
Бўйнингда узалган ўша соч занжирини
Ташла мени гарданимга — девона ўзим!

2

Ишқ шабнамидан хоки башар гил бўлди,
Юз фитнаю шўр жаҳонда ҳосил бўлди.
Жон томирига урдилар ишқ наштарини,
Томди-ю бир қатра, оти — дил бўлди¹.

¹ Бу рубоий Абусайд Абулхайрга ҳам нисбат берилади.

3

Кўнглимда фироқ туфайли минг қайғу бу кун,
Умр ипига чарх солди тугун узра тугун.
Фам устига ғам қўшма бузиб аҳдни яна,
Кўнглимда фироқ туфайли минг қайғу бу кун.

4

Ул баҳри муҳитга¹ кирмак истар кўнглим,
Ё чўксаму ё инжуга тўлса қўйним.
Этсайдим адо — ишинг хатарли гарчи,
Ишқ рангига эврилса юзим ё бўйним...

5

Дунёси тугаб, қоронғулик келса сиқиб,
Бошлар кўтарилганда мазорларни йиқиб,
Бечора шаҳид таним ҳам — ўз қонига ғарқ,
Тўзони қиёмат ичра келмасми чиқиб...

6

Ёр кокилининг куфридан иймон ёғилар
Ҳам нўшлабидан² чашмаи ҳайвон³ ёғилар.
Ул каклиги хушхиром каби раъносан,
Юрсанг, қадамингнинг чангидан жон ёғилар!⁴

7

Эй, ўзини ишқ ичра билувчи якто,
Таън этма кўриб тириклигимни, зеро
Мавжудлигим ишқ туфайли, жонни этдим —
Ул ёрни мушоҳада қиласай деб пайдо.

8

Зулфи дея минг дилда қиёмат қўпди,
Бир торини ким топди-ю, тутди, ўпди:
Ҳар кимсаки, топди — топди давлат буюк,
Ҳар кимсаки, топмади — ўшал дард топди...

9

Ёр хаста кўнгилни бегумон хоҳлайди,
Сўрдим: не учун ўшал чунон хоҳлайди?

¹ Баҳри муҳит — денгиз.

² Нўшлаб — ширинлаб; маҳбуба.

³ Чашмаи ҳайвон — тириклик булоги, обиҳаёт.

⁴ Бу рубоний Абусаид Абулхайрга ҳам нисбат берилади.

Үл дамки, күзимни йўлиға тиксам зор,
Келтиридики мужда: ўша жон хоҳлайди...

10

Ишқ йўлида ким бошни фидо деб билмас,
Мот этмаса ушшоқни — ўшал комилмас.
Кўйингда аниқ рутбаси бўлмас кишининг,
То бошдан-оёқ амалларингни қилмас.

11

Пок этгали тийнатимни¹ машғул эсаме,
Кўк кийгучиларга бошу бедил эсаме,
Майхўрга бўлибман энди бир дўсти асир,
Май сотгучиларга кошки бир қул эсаме.

12

Бир тийфи жафо қолган эмас, зебо ёр,
То урмаган ўлса уни дилга минг бор.
Мен тавба этарман ишқидан ҳар лаҳза,
Минг тавбани бир ноз ила айлар бекор.

13

Сўйла, эй кўнгил, англамиш асрорини ким?
Сўйла, эй қулоқ, тингламиш гуфторини ким?
Кўрсатса-да маъшуқ кеча-кундуз ҳуснин,
Сўйла, эй нигоҳ, илгамиш дийдорини ким²?

14

Чарх, ойу кун орзуйи висолингда сенинг,
Сарву гулу лола қулдир оллингда сенинг,
Покиза малакларнинг арвоҳи мудом
Абжад ўқишар лавҳи хаёлингда сенинг³.

¹ Тийнат — хулқ, феъл.

² Бу рубойи Абу Али иби Синога ҳам нисбат берилади.

³ Мисранинг маъноси: Ҳар лаҳза ошиқлик дарсини ўқипади.

ЖАЛОЛИДДИН РУМИЙ

(1207—1273)

Жалолиддин Румий — жақоң адабиётининг муаззам сиймөларидан бири. У ўзидан кейинги Шарқ ва Фарб адабиётига катта таъсир ўтказди. Ҳофиз Шерозий, Абдураҳмон Жомий, Алишер Навоий, Мирзо Абдулқодир Бедил каби буюк сўз усталари Мавлонони ўзларига устоз, деб билишган. Буюк Ҳёте Абулқосим Фирдавсий, Шайх Саъдий, Хўжа Ҳофизлар қаторида Жалолиддин Румий ижодини ҳам «Хизр чашмаси» деб атаган. Машҳурликда Фирдавсийнинг «Шоҳнома»си, Саъдийнинг «Гулистон»и, Ҳофизнинг «Девон»и бијан бир қаторда турган, форсий Қуръон номи билан шуҳрат қозонгана «Маснавийи маънавий»ни инсон маънавий ҳаётицининг қомуси сифатида нафақат Шарқда, балки Фарбда ҳам ихлос билан ўрганишган. «Декамерон» асаридағи қўплаб сюжет ва мотивларни Шарқ оғзаки ва ёзма адабиётдан олган Жовани Боккаччо «Маснавийи маънавий»даги қатор ҳикоялар асосида ҳам новеллалар яратганлиги маълум.

Жалолиддин Румий ижоди юксак бадиияти билангина эмас, балки мантиқ кучи, фалсафий фикрларга бойлиги билан ҳам катта таъсир қувватига эга. Таниқли адаб Радий Фиш сўзлари билан айтганда, шоирнинг «мавҳум мантиқий категорияларда эмас, балки отапин шоирона тимсоллар воситасида» талқин этилган табиат ва жамият ҳодисаларининг доимий ўзиш, ўзгаришда экани, эскининг йўқолиб, янгининг пайдо бўлиши — «дунёнинг зиддиятлар бирлигидаги зиддиятлар жангига»дан иборатлиги тўгрисидаги қарашлари буюк олмон файласуфи Гегелнинг эътирофича, унга диалектик метод яратишга ёрдам берган. Ёки улур мутафаккир Хусн ва Ишқ тортилиши мисолида биринчи бўлиб оламнинг асосида ўзаро тортишиш кучлари ётиши ҳақидаги фикрин ўртага ташлайдики, мазкур қонуннинг чиндан-да амал қилишини бир неча асрдан кейин инглиз олимни Ньютон кашф этди.

Жалолиддин Румий ижоди усмонли турк адабиётининг сарчашмаси ҳисобланади. Зоро, шоирнинг миллати — турк, келиб чиқиши — хоразмлик. Унинг бувиси Алоъиддин Муҳаммад Хоразмшоҳнинг қизи бўлган. Мавлоно таваллуд тонган Балх шаҳри у даврда Хоразмшоҳлар давлатига қарап эди. Ҳозирда Афғонистон ҳудудида бўлган бу қадимий ва донгдор шаҳар аслида узоқ асрлар мобайнида Гурон мулкининг машҳур шаҳарларидан бирин ҳисобланиб келган.

Жалолиддин Румий шеъриятини асосан илоҳий ишқ билан боғлашади. Бу бежиз эмас. Зоро, Мавлоно ўзипнинг 53 мингдан ортиқ мисрани ўз ичига олган «Маснавийи маънавий»си, 84 минг сатрдан иборат «Девони Қабир» («Улуғ девон»)ида еру кўкнинг

саарвари бўлмиш Оллоҳи Каримни ва унинг заминдаги халифаси — Ҳазрати Иисонни улуғлайди.

Маълумки, Жалолиддин Румий ўз даврининг анъанавий адабий тили бўлмиш форсийда ижод қилган. Бизда шоир ижодини ўрганиш ва тарғиб этиш Радий Фишнинг «Жалолиддин Румий» деб номланган тарихий-биографик романини таржима қилиш билан бошланди. Шундан кейин забардаст мутаржим Ш. Шомуҳамедов Румий ғазаллари, рубоийлари ва маснавийларидан бир нечтасини ўзбекчага ўгириб, форс-тожик мумтоз шоирлари асарларидан ташкил тоғган «Инжулар уммони» китобида эълон қилди. Яқинда эса Ж. Камол Румий рубоийлари ва маснавийларидан намуналар таржима қилиб, «Учмоққа қанот йўқ вале учгайман» номи билан алоҳида китобча ҳолида нашр эттирди. Биз ҳам буюк Жалолиддин Румий рубоийларидан намуналар таржима қилиб, уларни зуқко ўқувчилар назаридан ўтказишга журъат этдик.

1

Яшнаб, очилиб менга қараб келдингми?
Макрингни табассумга ўраб келдингми?

Ул кун кетиб эрдинг-ку олиб қалбимни,
Бул кун яна жонимни сўраб келдингми?

2

Ишқ ул — токи ҳалқ учун саодат бўлсин!

Ишқ ул — бу саодат то қиёмат бўлсин!

Ул ишқ мени туғди аслида — она эмас,

Ул онага минг таҳсину раҳмат бўлсин!

3

Биз ошиқи ишқимизу мусулмон бошқа,

Биз заиф чумолимиз — Сулаймон бошқа.

Биздан сўра куйган дилу сомон юзни,

Ким савдо қилас мол била — дўкон бошқа.

4

Утган кечада мен эрдим-у, жон маҳрами боз,

Мендан ҳама зор эрди-ю, ундан ҳама ноз.

Тун ўтди-ю, етмади бироқ сўнгига сўз,

Тунда не гуноҳ, бўлса узун дилдаги роз?

5

Ул ёр ҳавасида дил рубобдир, рубоб,

Ишқ ўтида қоврилиб кабобдир, кабоб.

Дардим эшитиб этса сукут дилдорим,
Шул жимлиги менга минг жавобидир, жавоб.

6

Ногоҳ эшигим ҳатлади ул дилбари масть,
Үлтириди, май ичди, ушалиб мангу ҳавас:
Ёр сочини күриб ва тутиб, оҳ, у нафас
Айланди юзим кўзга, кўзим қўлга абас.

7

Дилтангман-у, дийдори эрур дармоним,
Ойдек юзи бўлмаса, замон — зиндоним.
Ҳеч дилга яқин келмасину ҳеч танга
Ул қайғуки, ҳижронида топди жоним.

8

Оlamda вафоси йўқ киши кам бўлсин,
Ҳар бир куни бевафонинг мотам бўлсин.
Ёд этмади фамдан ўзга ҳеч кимса мени,
Минг таҳсину раҳмат сенга, эй фам, бўлсин!

9

Бизнинг бу азобларга сабаб тамаъи хом.
Халқум ғами, ҳою ҳавасу ҳирси ҳаром.
Кўз ташлаю тўрқовоққа, фикр айла: мудом —
Бир дон ила қуш қисмати ҳал бўлди — тамом!

10

Қелган эди кеча лутф этиб дилдорим,
Мен тунга дедим: «Айлама фош асрорим».
Тун қилди жавоб: «Бўлса қуёш сен бирла,
Мен тонгни олиб келай қаёқдан, ёrim?!»

11

Бўстону баҳору сарви оли(й), эй жон,
Ҳеч ерда бунинг борми мисоли, эй жон,
Ёп аста эшикни-ю, юзинг оч, эй жон,
Мен борману Сен ҳам хона холи, эй жон.

12

Эй, султону фахри ҳама дилдорларнинг,
Жолинусисан¹ ишқ ила bemорларнинг.

¹ Жолинусисан — буюк ҳаким Гален.

Биз жамъ бўламиз ул КУНи бўстонингда,
Жамъ бўлгани соз эмиш у КУН ёрларнинг.

13

Ёр келар эрди маству танҳо-танҳо,
Кўзи тўла ноз-ишаю раъно-раъно.
Тўсдим йўлини бўса олай, деб лабидан,
Фарёд кўтарди ўша: «яғмо-яғмо!»¹

14

Тундан мурод улки, маҳв ўлиб бегона,
Хилватда қиласлар васл ошиқи фарзона.
Бул кеча, чунончи, хосу ой — ҳамхона,
Мен — маствману ой — ошиқу тун — девона.

15

Эй бода, ўзинг адлни бунёд этасан,
Бир жом била минг бандани озод этасан.
Сен борки, мудом кўзим қуёшдек равшан,
Сен борки, ситамга тўлса дил — шод этасан.

16

Ишқ дардига дилни мубтало истарман,
Жонни у бало ўқига жо истарман.
Умримки, кўйингда оҳ уриб ўтмаса гар,
Дил қонига ботганча қазо истарман.

17

Лутф этса чақир тошга — у жонона бўлар,
Бир лаҳзада ишвалари маствона бўлар.
Кўш кокилининг занжири зоҳир ўлса,
Луқмони Ҳаким мажнуну девона бўлар!

18

Ул ёрки, мени ўз ғамига боғлайди,
Сўнг писанд этмай юрагим доғлайди.
Ғамгин эканим кўрса у пинҳон-пинҳон
Ҳам ширин-ширин кулиб дилин чоғлайди.

19

Ушшоқ гурунгида қарор ўзгачадир,
Бу севги шаробида хумор ўзгачадир.

¹ Яғмо — талон-торож, ғорат.

Ул илмки, мадрасада бўлмиш ҳосил,
Бас, ўзгаю ишқи гулъузор ўзгачадир.

20

Бул кеча мену мен каби бир аҳволи танг,
Боғ ичра тузиб давра, унга бердию ранг:
Бор бунда шароб бирла кабоб ҳамда рубоб,
Кошки бари йўқ бўлса-ю, Сен бор бўлсанг!

21

Дил ичра, диловарим, дилафрўз сенсан,
Кўп дўсту яқинлар vale дилсўз сенсан.
Наврўзу ҳайит шавқи билан шод кишилар,
Бул кун мен учун ҳайиту Наврўз сенсан!

22

Ишқингда бўлибман чинакам девона,
Үйқумни бузар қўш кокилинг, жонона.
Ул деди: «Етар, сўйлама кўп афсона,
Девонадан уйқу бўлади бегона!»

23

Най сўйлади: мен ҳур эдим аслида — бироқ,
Ишратпешалар урди-ю бағримга пичоқ,
Етказди улар танга — захм, жонга — фироқ,
Айб этма, шу боис йиғласам гоҳи узоқ.

24

Умр ўтди кўролмай орзули гулзорин
Ҳам нозу карашмали кўзин — хумморин.
Элдан яширин эмиш ўшал мисли вафо,
Кўп бўлди кўролмадик ниҳон рухсорин.

25

Улсам, сира йиғламанг тутиб исмимни,
Ёримга бериб қўйинг менинг измимни.
Бўлманг сира ҳайрон, ўша бир бўса билан
Тиргузса менинг бу совуган жисмимни.

26

То ёнди юзинг шамъи-ю, парвона бу жон,
Кўйингда бўлиб сабр ила бегона бу жон.
Кўз мардуми бекарор жамолинг боис,
Кўрган каби бир парини девона бу жон.

Ул ёри ситампеша сафар этгайдир,
Чархдек мени ҳам зеру забар¹ этгайдир.
Ул шеру шикориман мен илкида унинг,
Дилни еди-ю, қасди жигар этгайдир.

Ул ёр кўйидан қачон жудо бўлгаймиз,
Инглаб ғаму ҳасратда адо бўлгаймиз.
Ул шамъ каби топиб эътибор кўз ёшидан,
Ул чанг каби манбаъи наво бўлгаймиз.

Ҳар қайда шароб бўлса, рубоб ҳамда кабоб,
Ул жойда хароб бўлса, не тонг, ғам ва азоб.
Гул, сабза каби давра тутиб сув бўйида,
Эй дўсту яқинларим, ичинг, тоза шароб!

Кўйингда менга насиҳату панд на керак?
Ишқ заҳрини тотдим, етар, қанд на керак?
Эл дейди: «оёғига уринглар занжир»,
Телба — дил эса, оёқ учун банд на керак?

Ҳар кимсанинг кўксига ушоқ дил бўлгай,
Ишқсиз яшамоқ ўшанга мушкул бўлгай.
Бул ҳалқама-ҳалқа зулф занжири билан
Девона киши бўлса, у оқил бўлгай.

Ишқсиз қувончинг сира афзун бўлмас,
Ишқсиз вужуд ҳам хўбу мавзун бўлмас.
Дарёга ёғар бўлса магар юз томчи,
Ишқ тўлқинисиз у дурри макнун² бўлмас.

Гар жабр этар, аҳдининг не қиммати бор?
Гар заҳр берар, шаҳдининг не қиммати бор?
Халқ наздида жаҳд айламоқ эзгу ишдир,
Бул хаста кўнгил жаҳдининг не қиммати бор?

¹ Зеру забар — остин-устин.

² Дурри макнун — садаф ичидаги қимматбаҳо дур.

34

Ишқ асли камол бирлаю, дилбар-чи — жамол,
Сүз қайнару дилда, тил уни айтгали лол.
Борми яна бундан-да ўтар антиқа ҳол:
Мен ташна-ю, қошимда оқар оби зилол¹.

35

Бир байт ўқиб эрдим — малагим ранжиди:
«Байт ичра банд айлаш мени лозимми эди?»
Айтсам: «Нега байтимни бузарсан, эй жон?»
«Мен байтга сиғарманми, ўзинг ўйла?»—деди.

36

Банд этма сира ҳарифи ғамгин қошини,
Тарк этма сира суҳбати ширин қошини,
Бўстонга кириб, борма тикан қошига ҳеч,
Бўш қўйма сира суману насрин қошини.

37

Эй соқий, бугун сенинг хуморинг бўлдим,
То тунга қадар кўп интизоринг бўлдим.
Май беру халос айла бу дунё домидан,
То тонгга қадар бу тун шикоринг бўлдим.

38

Қабрим ёнидан ўтса, башар маст бўлгай,
Сал тўхтаса, маҳшарга қадар маст бўлгай,
Уммон сари борса, баҳру бар маст бўлгай,
Ўлса, уни қабри сарбасар маст бўлгай!

39

Пок ишқима раشك этгусидир оби зилол,
Бу севги билан машғул ўлиш менга ҳалол.
Гар ўтса бировлар ишқи ҳолдан-ҳолга,
Йўқдир мени маъшуқаму ишқимга завол.

40

Кўнглимга яширмагайман — афгор бўласан,
Дийдамда мужассам этмагум — хор бўласан,
Жон ичра берай жой сенга — дил, кўздан эмас,
То сўнгги нафасгача ўзинг ёр бўласан.

¹ Оби зилол — тоза, тиниқ сув.

Сочининг ҳар торида бордир бир жон,
Сочдек мени ҳам қилди паришон жонон.
Билгайми ўшал: ғамим фаровон не учун?
Боиси: унинг нози фаровон чандон!

Ул бонги Сирофилдан¹ эмиш пайдо рубоб,
Дилларни тирилтириди, магар эрди кабоб.
Ўйғонди унут ўйлар — балиқлар худди
Чиққан каби сув остидан устига шитоб.

Ел гулни тўкар устига хумморларнинг,
Ёр майнин қуяр соғарига ёрларнинг.
Сунбул сочи атторлар ишин этса касод,
Шўх кўзи тўкар қонини ҳушёрларнинг.

Боғ йўлида дилбаримга бўлдим ҳамроҳ,
Гулга назарим тушди ўшал дам ногоҳ.
«Чеҳрамни қўйиб, гулга қарайсан не учун?» —
Деб тоза уялтириди фақирни ул моҳ.

Бир дам сенга дилбаринг магар маҳрамдир,
Тақдирдан улуш сенга ўшал бир дамдир.
Зинҳор у илоҳий дамни этма зоеъ,
Чунки ҳаётингда бу каби дам камдир.

Дарё каби дийдамга санам урса тикан
Хам қил каби дилни тилса ғам тифи билан,
Асло этагидан қўл узиб кетмасман,
Минг ҳийлани ул дафъим учун қилса-да фан².

Ёмонлик этиб, яхшилик истар эса ким,
Билгилки, ўшал кимсанинг иймени ярим.
Беш қўлдек аён-ку, арпа эккан кишига
Бермаслиги буғдойни худованди карим!

¹ Сирофил — Исрофил фаришта. У қиёмат кунини эълон қилиб, сурнай чалади.

² Фан — бу ерда: ҳунар, касб.

48

Шаккар конида солса чивинлар ғавғо,
Шаккар кони айларми уларга парво.
Қүш бир қўниб учгани билан ул тоғнинг
Ортди бирор ери-ю, кам бўлдими ё?

49

Бул кун тавоф этгум ёр кошонасини,
То тонггача қилмайин тарк хонасини.
Вақт бўлганида дафъи хумор айлаш учун,
Бош косасидан ясай паймонасини.

50

Мен хастаю зору нотавон ёр ғамидан,
Қўздан ёш эмас, оқади қон ёр ғамидан,
Бўғзимга етар бўлса-да жон, ёр ғамидан,
Ё Раббим, айирма ҳеч қачон ёр ғамидан!

51

Ҳамсуҳбатимиз бул кеча ул дилдорнинг,
Ўтмас нималар хаёлидан хушторнинг:
Бошлар уза гоҳ чамандга гул сочилса,
Шаккар ёгади ўрнига гоҳо қорнинг.

52

Ошиқлик ишин камолидан ўргандим,
Битмоқни ғазал жамолидан ўргандим.
Кўнглим уйида хаёли рақс этгайдир,
Мен рақсни ҳам хаёлидан ўргандим.

53

Айтдим: «Санамим, сен — маю мен — паймона,
Мен ўлдиму сен эсанг жону жонона.
Оч энди вафо эшигин» Айтди: «Жим бўл,
Девона кишига не керакдир хона?»

54

Эй, тургил-у, киргил ўша нек ном қошига,
Хуш суҳбатин олгали дилором қошига,
Бир домни қўйиб, кел, яна бир дом қошига,
Гар қувса эшиқдан, келавер том қошига.

Ёр деди: «Күзинг ёшини Жайхун этаман,
Күнглингни фироқ тогида тутқун этаман.
Жисмингга ишонма сира — уч кунда уни
Ғам ўғирида туйиб-туйиб ун этаман!»

Жабрингча хуш эрмас, ўзга минг қилса вафо,
Қайфунгча хуш эрмас, ўзга минг қилса сафо,
Нозингча хуш эрмас, ўзга күрсатса лиқо,
Қаҳрингча хуш эрмас, ўзга минг айтса сано.

Хар кун күриниш бериб кетиб, эй дилбар,
Бошимга солурсан неча савдои дигар.
Жон соғарини тўлдирибон тут бу сахар,
Эй, сен менинг жонимга падар ҳам модар!

Бегона гурунгидан эсанг бегона,
Ҳақ сўзни сенга айтади бул девона:
Юз уйни тўлатгунг аридек бол бирла
Файр аҳлидан агар холи бўлса хона.

Бул кеча шароби жон мудомдир, мудом,
Соқий шоҳу бода бардавомдир, давом,
Асбоби тараб жумла тамомдир, тамом,
Үйқу дили бедорга ҳаромдир, ҳаром.

Ишқ оташида музлар эриб сув бўлади,
Ишқ ўтида тобланса, тош инжу бўлади.
Ушшоқ гуноҳини оғир олма, эй дўст,
Ишқ бодасидан улар беқайғу бўлади.

Тун ўтди, vale этмади тарк бошимни
Қайгули муножоти қаламқошимни.
Ул тунда эрур уйқуму кундуз эса нур,
Ул бўлмаса, тун-кун тўкамен ёшимни.

Келди-ю кўзимга хуш хаёлинг, моҳтоб,
Ҳар икки қўзим шу лаҳза ёш тўқди шитоб.

Күзларни құлғига дедим оқиста:
«Сийланг азиз меҳмонни қуйиб бодаи ноб».

63

Биздан ўша шўх дилбари айёр қочади,
Ёринг бўлайин десак агар ёр қочади.
Ул ақли мунааввардир-у, биз масти унинг,
Хумморни мудом ақл этиб хор қочади.

64

Эй бонги рубоб, дилимда тобим бордир,
Дил қаърида менинг-да рубобим бордир.
Гар тушса йўлинг бир дам азиз меҳмон бўл,
Мен қулни-да кулбай харобим бордир.

65

Келди эшигимга кеча ёри шайдо,
Дедим: «Жўна, бемаҳалда бўлдинг пайдо».
Қайтаркан изига деди: «Қизиқ савдо,
Давлатга эшик очмас — у тентакми ё?»

66

Эй ёр, нима гап, жаҳон йўқолди кўздан?
Осмону замин қаён йўқолди кўздан?
Сен майни қўлимга берма, тут оғзимга,
Кайф ошганидан даҳон¹ йўқолди кўздан...

67

Ишқинг ҳаваси бошда-ю, зорман доим,
Кўйинг аро масту беқарорман доим,
Гар бор-йўғи бир кун хумор бўлгай маст,
Мен ул маст эрурманки, хуморман доим.

68

Чек қўяди бу замона бор оҳ-воҳга,
Бир кўз-да қарап фалак гадою шоҳга.
Ҳар кимса ғууррга маст ўзича, аммо,
Ҳайдайди ажал барчасини бир чоҳга...

69

Эй дил, сира яқин йўлатма ғамни,
Эп кўрма ҳечам сухбати номаҳрамни.

¹ Даҳон — оғиз.

Кўкат била нонга гар қаноат қилсанг,
Кўкат, дея билма жумла бу оламни.

70

Дил келди-ю айтди: «Ёр савдоси узун»,
Тун келди-ю айтди: «Зулфи раъноси узун»,
Сарв келди-ю айтди: «Қадди зебоси узун»,
Қилсин шунга мос умрни Оллоси узун!

71

Ишқ ул — унга эргашиб балолар юрса,
Ошиқмас у — кўрганда бало юз бурса.
Ишқ оламида аталгай мардлар марди
Ким ишқ каби жонга тегсаю жон берса...

72

Хижрон қанотин қайирса уммид қушини(нг),
Үлдирса жафоси яна дил хоҳишини,
Ошиқ сира тушмайди умидсизликка,
Мақсад сари элтар асли ҳиммат кишини!

73

Бул фасли баҳор эмас, бул фасли дигар,
Кўзларни хумор этгучининг васли дигар.
Ҳар қанчаки новдалар туташ рақс этса,
Ҳар шохни қимирилаши бўлар асли дигар.

74

Эй пойқадамингдан бу замин хурраму шод,
Юз ғунча қувончидан кўпайтирмиш зот.
Осмонга тушиб ғулғула ул фурсатда
Ойнинг кўзи юлдузга тушибдир, ҳайҳот.

75.

Тавба, дилини ўшал санам тош қилмиш,
Қасд олгали отланганини фош қилмиш.
Зулфи каби кўпчувалди тавбам — унга зулм
Андоқ қилайин, менга қаламқош қилмиш.

76

Кўзимни қитиқлар ҳар замон нози унинг,
Янграп қулоғимда мудом овози унинг,
Ўзимча манам ошиғу ҳамрози унинг,
Қандай яширай маст айласа рози унинг?!

Кўкни тўла нола айласам, маъзурман,
Даштни тўла жола айласам, маъзурман,
Сен жоним эрурсан — чопаман ортингдан,
Жонни ортда вола айласам, маъзурман.

Инсоф била айт, ишқ эзгуликдир асли,
Булғар уни кимнинг юраги кир асли.
Пок севгига ўхшатма ҳаром шаҳватни,
Чунки бири осмону бири ер асли.

Кимнинг тилаги эрур мудом манзили жон,
Кимнинг тилаги эрур мудом луқмай нон.
Бу нуктанинг маънисини чаққилки, аён:
Ким не тиласа — етгуси унга бегумон!

Жон тунда балиқ, кундуз илон эркан, оҳ,
Ўйлаб қара, сенга қайси бир жон ҳамроҳ?!
Хорут¹ каби сеҳру жодудир касбинг гоҳ,
Гоҳ Зуҳрани қўриқчисисан худди моҳ.

Қилгайми бу қулларга у бир наззора,
Биз топдигу чора, қолди ишқ бечора.
Жон нима? У бир заиф гўдак бешикда,
Дил нима? У бир ғариб эрур, бечора.

Бергувси бўлак ҳаёт кунинг битса Худо,
Гар умри фано қолмаса, бор умри бақо.
Ишқ обиҳаёт эрур — унинг баҳрига кир,
Ҳар қатраси бир ўзга ҳаётдир унинг, о!

Гоҳ ҳурлар этади рашк — андоқ покмиз,
Гоҳ ваҳмага девлар тушади — бебокмиз,
Ҳаммоли Худомиз асли — тани хокмиз,
Бу саъӣ ила мавжудот ичинда тоқмиз.

¹ Хорут — фаришта. У Морут номли фаришта билан бирга аёлга ошиқ бўлганлиги учун Худо ғазабига учраб, Бобулдаги тоҳға ташланган. Кимки сеҳру жодудан сабоқ олмоқчи бўлиб, тоҳ қошига борса, Хорут унга бу фандан таълим беради.

Бир қатра юзинг сувидан ул обиҳаёт,
 Бир зарра нурингдан этдинг ойни бунёд.
 Моҳтобни тилаб эдим узун кечада мен,
 Тун зулфинг-у, ой юзинг экан-ку, ҳайҳот!

Ҳарчандки қомати гўзал бор сарвда,
 Ёр қаддини кўрса, не амал бор сарвда?
 Ёр қаддига ўз қаддини менгзар эмиш ул,
 Бу кибру ҳаво асли азал бор сарвда.

Биз касбу ҳунар, молу дўкондан кечдик,
 Шеър йўлига кирдигу жаҳондан кечдик.
 Кўзу дилу жонимиз эди севгида ул,
 Бас, кўйида кўзу дилу жондан кечдик.

Оғзинг исини менга чаман билдиригай,
 Ҳуснингни эса лола, суман билдиригай,
 Ул иккиси бўлмаса очурман лабни,
 Номингни тутиб у сўз билан билдиригай.

Қайдан, қани, нағмайи рубоб, келмишсан,
 Минг оташу шўру фитнага тўлмишсан,
 Дил жосусию элчисисан саҳронинг,
 Дил рози эрур ҳар не наво қилмишсан.

Эй кўзу дилу жон ҳузури қандоқсан?
 Ҳар икки жаҳоним сурори қандоқсан?
 Ҳолим не лабинг ҳажрида асти сўрама,
 Менсиз ўзинг, эй кўзим нури, қандоқсан?

Эй жону жаҳон, жону жаҳон банданг эмиш,
 Оламни ширин этган шакарханданг эмиш,
 Сенекни фалак кўрмамиш олам яралиб,
 Осмону замин ҳуснингга ҳангу манг эмиш...

Теримни шилиб олса-да ул дилдорим,
Ундан гина қилмагум сира — йүқ зорим.
Душман менга барчаю удир ёлғиз дўст,
Душманга чақишига ёрни келгай орим.

Сенек бу фақир оқилю ҳушёр эрдим,
Ошиқ элини қилгучи инкор эрдим.
Умр ўтди-еї оҳ-воҳ ила девонаю масти,
Шундоқ яшамоққа, бас, сазовор эрдим.

Маъшуқа қуёш каби чарақлар хандон,
Зарра каби ошиқ бўлади саргардон,
Бас, севги баҳори еллари эсган он
Ҳар шоҳ рақс этар унда магар бордир жон.

Сен бирла қувончга тўла шаҳру деҳот¹,
Осмону замин-да сен сабаб хуррам, шод.
Ғамдан бўлак ҳеч ким гина қилмас сендан,
Сен ҳаммани ғам-қайғудан этдинг озод.

Дерлар менга: «Мунча оташин дард қайдан?
Бу нолаю оҳу бу ранги зард қайдан?»
Дедим: «Гапингиз ғалат, ўшал ой юзни
Бир кўрса киши биларди бу дард қайдан?»

Гар истар эсанг, ҳамиша хуррам бўлсанг,
Етса қадаминг қайга, мукаррам бўлсанг,
Пок бўлу ҳалол яшаю илм ўргангил
То тожи башар, Ҳазрати Одам бўлсанг!

Кўнглимдаги оҳ боиси савдо, эй дил,
Ул аслида дил туфайли пайдо, эй дил,
Қондан юрагим мавж уради тўхтовсиз,
Бас, у дил эмас, бўлибди дарё, эй дил.

¹ Деҳот — қишлоқлар.

Хар нарсани дил очиғу пинҳон сүзлар,
Мушкин соч ҳақинда анбарағшон¹ сүзлар.
Ошуфта эса у, бу — паришон, билгум,
Ошуфта оғиз очса, паришон сүзлар.

Эй дүст, ахир дүстү яқинмиз сенга,
Етса қадаминг қайга, заминмиз сенга.
Сезсак-да тажаллингни², ўзинг күрмасмиз,
Ишқ шарти шуми, наҳот, ўйинмиз сенга?!

Мен — зарра, қүёшюз дилрабойимсан ўзинг,
Беморману дардимга давойимсан ўзинг.
Йүқ гарчи қанотим, учаман ортингдан
Бир хас каби, чунки каҳрабойимсан³ ўзинг.

¹ А н б а р а ф ш о н — аябар сочынчи, хуш ҳид тәратувчи.

² Т а ж а л л и — күриниш, жилваланыш.

³ Каҳрабо— сарық рангли ёшишқоқ тош. Уни чармга ишқаб, сомон, хәсга яқинлаштырса, уларни ўзига тортади.

ПАҲЛАВОН МАҲМУД (1247—1326)

Мазмунан бой ва теран, шаклан пишиқ ва гўзал фалсафий рубоийлари туфайли «Хоразм Хайёми» номи билан шуҳрат ҳозонгани бу улуг инсон «Паҳлавон Маҳмуд», «Пурёрвалий» номлари билан довруг таратган ҳассос шоир, енгилмас паҳлавон ва машҳур авлиёдир. Айниқса, унинг паҳлавонлик овоазаси узоқ-узоқларга кетган эди. Эрон, Ҳинд каби кўплаб Шарқ мамлакатларидаги қураш мусобақаларида қатнашиб, ҳамиша зафар қучган, бир умр кураги ерга тегмай, мамлакатнинг биринчи полвони, паҳлавонлар пешвоси бўлган.

Кўнгина манбаларда шоирнинг «Каиз ул-ҳақойиқ» («Ҳақиқатлар хазипаси») номли маснавийси борлиги айтилади. Аммо Т. Жалоловнинг маълумот беришича, эронлик олим Сайд Муҳаммад Али Сафар 1967 йилда уни Маҳмуд Шабустарийга нисбат бериб, нашр этган. Паҳлавон Маҳмуд «...дин назарияси, фалсафа ва мантиққа доир бир неча рисолалар ёзган» (Х. Ҳомидов) бўлса-да, улар ҳозиргача топилган эмас.

Паҳлавон Маҳмуднинг васиятига кўра шогирлари уни ўзининг пўстинидўзлик дўкони атроғига дағи әтганлар. Кейинчалик у қабр устида мақбара тикланиб, авлиё пойига Қўнғирот уруғидан бўлган Хева хонлари кўмилган. Бу мақбара нодир меъморчилик ёдгорлиги сифатида мана неча асрдирки, барчанинг дикқатини ўзига тортиб келмоқда. Дунёning турли бурчакларидан келаётган сайёҳлар бу буюк инсоннинг қабрини зиёрат қиласидар. Мақбара деворларига шоир рубоийлари дарж этилган.

Паҳлавон Маҳмуд Ҳевадаги футувватчилар жамоасининг бошлиғи, жавонмардлар пешвоси бўлган. Унинг ўзи ҳам мардлик ва саховатнинг әнг олий намуналарини кўрсатиб, бошқаларга ибрат бўлган. Рубоийларида футувватнинг назарий қоидаларини баён қиласидар.

Маълумки, жавонмардликка кўпроқ паҳлавонлар талабгор бўлганлар. Шу жиҳатдан, Паҳлавон Маҳмуд паҳлавонларни тарбияловчи устозгина бўлиб қолмай, балки жавонмардлик одобиини ўргатувчи пир ҳам эди. Жавонмардларнинг шиори дунёдаги ёвузликнинг барча кўринишларига қарши ҳамиша, ҳамма ерда эзгуликни ҳимоя қилиш, тарғиб этиши ва қўллаб-қувватлапшдан иборат. Бу ғоялар Паҳлавон Маҳмуднинг кўнгина рубоийларида ўза аксини топган.

Паҳлавон Маҳмуд ҳаёти ва ижодини ҳалққа етказишда таниқли олим ва забардаст мутаржим Тўхтасин Жалоловнинг хиз-

матлари катта. Шоир рубоийларини, шунингдек, Муинзода, Васфий, Улфат, Боқир, М. Абдулҳаким каби таржимонлар таржима қилғанлар. Е. Исҳоқов, Ҳ. Ҳомидов, Н. Комилов, С. С. Бухорий, М. Ҳасаний, Й. Жумабоев каби олимлар бу буюк ватандошимиз адабий мероси ва таржимаи ҳолини маълум даражада тадқиқ этгайлар. Паҳлавон Маҳмуд рубоийлари бадиий жиҳатдан пишиқ ва гўзадлиги, фалсафий теранлиги билан ажralиб туради. Бу рубоийлар бадиий тасвир воситаларига бой, ҳалқона содда ва енгил услугубда, ифода тарзи аниқ ва лўнда, ўйноқи, сершиддат туйғуларга йўғрилган.

Барча Шарқ шоирлари каби Паҳлавон Маҳмуд ҳам икки улуғ манба — Қуръони карим ва Ҳадиси шарифдан таъсирлангани, улардан илҳомланиб қалам тебратгани унинг қудсий нағас уғуриб турган рубоийларидан шундокқина сезилиб туради. Айниқса, илоҳий ишқ тараннум этилган ва ваҳдати вужуд фалсафаси асосларини тушунтиришга бағишланган шеърларида бу нарса кўзга яққол ташланади. Лекин шоир фақат илоҳий мавзулар билангина чегараланмай, заминий дардни ҳам қаламга олган. Паҳлавон Маҳмуд рубоийларида илоҳий ва дунёвий дард кўпинча бирга, ўзаро қўшилиб зуҳур этади.

Таниқли адабиётшунос олим Н. Комилов: «Паҳлавон Маҳмуд рубоийларини тўрт гуруҳга бўлиш мумкин: биринчиси — замона аҳлидан нолиш, ижтимоий тенгизизликни ифодаловчи рубоийлар; иккинчиси — тариқат сулукни ҳақида ёзилган рубоийлар; учинчиси — ваҳдати вужуд фалсафаси асосларини тушунтирувчи рубоийлар ва тўртинчиси — илоҳий ишқни тараннум этган рубоийлар», — деб ёзган эди.

Кези келгандан, биз шу пайтагача шоирнинг ахлоқий қарашларига нисбат бериб тадқиқ этган панд-насиҳат руҳидаги рубоийлари аслида футувват руқилярининг шеърий ифодасидан иборат эканлигини таъкидлаб ўтиш лозим. Ҳа, бундай шеърларида шоир жавонмардлар ахлоқини тарғиб этган, улардан ибрат олишга чақирган.

1

Эй дил, яна дилбарга асир тушдингми?

Дилдори ситамгарга асир тушдингми?

Алҳол, қутууломмай қўлидан биттасининг,

Боз бир пари пайкарга асир тушдингми?

2

Гул қўлда, қадаҳ бонги қулоқда бўлсин!

Дунё ғамидан кеч — у узоқ бўлсин!

Сув нағмаси остида, булут соясида

Жом қўлда мудом, кўза қучоқда бўлсин!

3

Дилдор сүради: «Сўйла, нечун қайғуда дил?
Ё бир пари талъатми кулиб олди кўнгил?»
Тутдим қўлига кўзгую қилдимки жавоб:
«Ойинада кўрганинг — ғамим боиси бил!»

4

Ҳарчандки, ишқдан гаҳи бегона эсам,
Ошною ҳаловат била ҳамхона эсам,
Бўлманг сира ҳайрон яна бир ҳур учраб,
Аҳдим унутиб, кўйида девона эсам.

5

Воқиф эканимда келишингдан, дилбар,
Сочган бўлар эрдим қадамингга гуллар.
Сөчиб яна тергай эди киприк музтар,
Хоки қадаминг кўзимга айлаб гавҳар...

6

Сен деб бу кўнгил тийфи маломатга, кўнар,
Битмас яраси гарчи қиёматга қадар.
Ҳеч кимса омонлик тиласас, сен туғилиб —
Ҳажрингда фаромуш этди соғликни башар.

7

Мен дард эрурам, дард — тамоман жисмим.
Шамъ эрса юзинг, парвона — қулнинг исмим.
Гар давлати васлинг мұяссар ўлса,
Суртай заъфарон юзимни пойингга жим...

8

Дил кўйида кеча мен ибодат қилдим,
Ҳар покни-да нопок зиёрат қилдим
Ҳам еб рамазон рўза, кафорат¹ қилдим,
Ийд они намозни бетаҳорат қилдим.

9

Бул кунда баҳойи ўтину уд бирдир
Ҳам мартабада Халилу Намруд² бирдир,

¹ Кафорат — гуноҳни ювиш, қилинган гуноҳ эвазига бериладиган нарса.

² Намруд — афсонавий золим шоҳ. Унинг фармони билан Халил, яъни Иброҳим пайғамбар ўтга ташланган.

Ким наздида ўз давлатига мастларнинг
Оввози эшак, нағмайи Довуд бирдир.

10

Кимман ўзи — мендан да савоб истарлар,
Еб-ичганим учунми жавоб истарлар.
Йўқ ерда фаришталар ҳисобда ҳатто,
Айтинг, ўзи кимманки, ҳисоб истарлар?!

11

Эй сарвқаду суманбару гулъузор,
Дўстинг сира бўлмасин сенинг хас била хор.
Ҳар қанча чаманда тўқмасин қўр у чинор,
Гул новдасига чинорни не нисбати бор?

12

Зулфи неча таънайи бути Чин айлар,
Кўз ишва ўтинда ғорати дин айлар.
Рухсорини кўрсайди аросатда Худо,
Ўз қудратига ўзи минг таҳсин айлар!

13

Софдир дилимиз — унда на кеку кина бор,
Эл бизга эрур душману биз барчага ёр.
Тавҳид¹ мевасига кон дараҳт новдасимиз,
Ҳар ўтган улоқтирса-да тош — қилмадик ор.

14

Кетдик кетидан, кел, энди жононани, дил,
Қоққил эшигини, изла ҳар хонани, дил.
Хайём каби бизлар-да мудом май била масть,
Дўзах кутади биз каби мастанани, дил.

15

Сўз ошиғиман, нурли нафас истайман,
Бир нуктага менда юз ҳавас, истайман.
Ёндири мади бул мустамеъларни² нутқим,
Тинглашга сўзим ўзгани, бас, истайман.

¹ Т'авҳид — бирлик, ягоналик; Худонинг бирлигига эътиқод қилиш.

² Мустамеъ — тингловчи, эшитувчи.

16

Сүрдим: «Бу ҳаёт маъниси не, жонона?»
«Ё шамъ, — деди, — ё булут ва ё парвона». Сүрдим яна: «Дунёга кўнгил қўйган ким?»
«Ё гўл, — деди, — ё маст ўша, ё девона».

17

Туймоқ неча Қоф тоғини ҳовон бирлан,
Кўкни бўямоқ юракдаги қон бирлан,
Зинданда ётиш бир аср афғон бирлан
Соз ҳамдам ўлишдан даме нодон бирлан!

18

Чеҳранг уза, ёр, тонг каби гул ёғилади,
Кўкламга ибонг менгзабе — гул ёғилади.
Дилбар ўша тонг хуш то жаҳон чеҳрасидан
Порлаб неча баҳт кавкаби¹ гул ёғилади!

19

Эй Тангри, ҳаёт дарахтини паст этма,
Эй Тангри, тириклик майидан маст этма,
Эй Тангри, карам айла, жавонмардларни
Муҳтоҷу фақир этма — бу хил қасд этма!

20

Оташки, алнга уради — сийнам ўша,
Дарё неча тўлқинланади — дийдам ўша.
Кўз ташла: кулол қўлидаги лой кеча
Инсон эди — биз билан эди маҳрам ўша.

21

Меъмори азал қаср ила айвон айлар,
Бўлгай-да ясаб, сўнг уни вайрон айлар.
Ҳар тоқики, етган эди бул кун кўкка,
Эртан яна тупроқ била яксон айлар...

22

Ким бизни синиқ дилга муруват қилгай?
Ким айбу гуноҳимиз кафорат қилгай?
Биз қанча мазорларни зиёрат қилдик,
Ким бизни мазоримиз зиёрат қилгай?..

¹ Кавкаб — юлдуз, сайёра.

Эй дўст, агар жон тиласанг, бергум жон,
Ҳар неки азиз, айт, уни айлай қурбон.
Эй кофири бераҳм, эсанг мен бирлан,
Зуннорни тақиб белга, берарман иймон.

Даврон ғамидан кўзимни гирён кўрдим,
Ҳар ранжу бало борки, беармон кўрдим,
Нуҳ мингга кириб, кўрган эди бир тўфон¹,
Мен Нуҳ әмасам-да, мингта тўфон кўрдим.

Филнинг кучи сенда бўлса ҳам мўрдек бўл,
Ҳар икки жаҳон мулки билан ўрдек² бўл.
Кўрсанг-да ҳаётда айбини ҳар кишининг,
Хеч нарсани сезмагувчи бир кўрдек бўл.

Ёдинг била ҳар замон кўнгил тоза бўлур,
Тонг елида чунки гулистон тоза бўлур.
Дийдоринг ҳайит эрур — уни кўрганда
Хотир хушу дил хурраму жон тоза бўлур!

Эй хожа, жаҳон маънисидан йўқ хабаринг,
Кундуз-кеча тортар ўзига сийму заринг.
Дунёда кафан эрур фақат дастмоянг,
Маълум әмас, аммо ўшани хам этаринг...

Қурбони муҳаббат бўламиз, ишқ — кафан,
Дард илкида ўсдик, маломат — ватан,
Фирдавс³ — ила жаннатда сен ўлтири, зоҳид,
Биз — булбули маст, бизга жаҳанинам — чаман.

Тун — ҳомиладор, ҳар неки туғса — кўрамиз,
Чарх айланади, ҳар не йўлиқса — кўрамиз.

¹ Нуҳ пайғамбар даврида юз берган тўфон балоси кўзда тутилаяпти.

² Ур — яланғоч.

³ Фирдавс — жаннат.

Умр аввалида ҳар неки келди — кўрдик,
Умр охирида ҳам нима боқса — кўрамиз.

30

Айтмай, сира олма кишининг уйига йўл,
Қадрингни туширма узатиб нонига қўл.
Миннатли кабобидан бироннинг доим
Қоқ нон била сувингни баланд қўйгучи бўл!

31

Оlam фили қайтаролмагай шиддатимиз,
Дунёни қилар саросима шавкатимиз,
Жой олса чумоли сафимиздан ногоҳ,
Бир лаҳзада шер айлар уни давлатимиз!

32

Ёмоннинг сира ҳатлама остонасидан,
Еб тушма тузогига тагин донасидан.
Үқ ростлигидан билиб камонни эгри,
Кўр қочишини шитоб унинг хонасидан!

33

Оқил сира ҳис-туйғуга бўлмайди асир,
Зар қадри пасаймайди ҳasad бирла, ахир.
Номард ит эса, марднинг қиёси — дарё,
Булғанмади ит тегса-да, дарё барибир!

34

Бир ёри вафодор киши йўқ оламда,
Дил маҳрами меҳрибон тополмай ғамда.
Инсон зотидан кутма вафо — асли азал
Бўлмайди вафо расми бани одамда.

35

Кўрдим узоқдан у лаби пурханданг,
Озод эдим, тагин бўлибман банданг.
Ҳар бандаки, озод эрур — шод эрур,
Мен шодман ангаким, бўлибман банданг.

36

Улдим кўмилиб минг ғаму ҳасратга, нетай?
Лойиқ эмасам мёхру мурувватга, нетай?
Келтирди юзинг ҳажри надомат, афсус,
Дийдоринг эса қолди қиёматга, нетай?..

Шўх дилбаримиз ширин мақоллик қилгай,
Юз ишва билан қоши ҳилоллик қилгай.
Ним жилмайиб ул оғзининг бир бурчи билан
Уп деб, мени жой гўёки холи қилгай...

Давронки, ҳунар ғайри жафо йўқ унда,
Ҳам аҳли вафодан ошно йўқ унда.
Мен ит бўлайин вафоси бор кимсага, бас,
Ит яхши кишиданки, вафо йўқ унда.

Ўз нафсига кўм бўлса амир, улдир — мард,
Ҳеч кимсага бўлмаса асир, улдир — мард,
Ўтмак сира мағлубни тепиб мардлик эмас,
Тутса қўлидан забунни эр, улдир — мард.

Ул ишқ биёбонида юрмоқ мушкул,
Оёқни йиғиб ҳам яна турмоқ мушкул.
Энг мушкули улки, ҳамма ерда, ҳар дам
Еринг-ку аён, лек уни кўрмоқ мушкул.

Эй чархи фалак, замонайи дунпарвар¹,
Эгри юришинг тўғри учун хавфу хатар.
Нодон улуғ, оқил-чи, оёқ остида гар,
Бўлсин бу каби чархи фалак зеру забар.

Эрлик гуруринг бўлса, эй Оллоҳ суйган,
Ҳеч аҳли аёлингни чиқарма уйдан!
Бошини чиқарса кўчага мевали шоҳ
Тамаъ қилади барча йўловчи ундан.

Гул кўркда сени тоқ, деб ўзин ўлдиради,
Ул лола қаро доғ, деб ўзин ўлдиради,
Кўрганда жамолинг нурини ҳатто шамъ,
Мендан ўша порлоқ, деб ўзин ўлдиради.

¹ Дунпарвар — ёмон, паст, разил кишиларни тарбия қилувчи.

Севги ғамини, дилим, таманно қилдинг,
Халқ ичра ўзингни неча расво қилдинг,
Кўнгил, дея майли гули раъно қилдинг,
Ҳар кунда бўлак гул лабини во қилдинг...¹

Эй дил, сира атлас тўнини қилма ҳавас,
Тарк айлама эски-туски киймакни-да, бас,
Гар истасанг енгил кечишин ушбу ҳаёт,
Ҳеч бўлма қарам ўзгани қошида, абас!

Айтиб эди менга бир куни соҳиби дард:
Қим қилмаса мард хизматини — ёулмади мард!
Ҳеч хизматини қилма ўшал кимсаниким,
Қилган эмаса ёшлигига хизмати мард.

Ҳайҳотки, ҳазин дилим сира бўлмади шод,
Хотир эса ғамдан қутулмади, дод!
Афсуски, ҳаёт дарахти бермай ҳосил,
Фарёдки, умримни хазон айлади бод...

Тутдик неча йил илм ила дафтар пайини,
Этдик неча йил зийнату зевар саъини,
Қай кунки, тушундик даҳри дуннинг² раъини,
Кечдик баридан ичиб бу риндлик майини...

Бул чархи фалак ичинда биз бечора,
Фонус билибон уни — қилиб наззора.
Офтоб чароғ бўлса, жаҳондир фонус,
Қошида қўғирчоқ каби биз оввора.

Бизларки, алам тузогидан озодмиз,
Ғам гарчи таомимиз ва лекин шодмиз.
Билмай нима рангу бўйи ҳушёрликнинг
Ёр кўзи мисли масти модарзодмиз³.

¹ В о қ и л м о қ — очмоқ.

² Даҳри дун — тубан дунё, пасткаш дунё.

³ М одар зод — туғма.

Кўз очди саҳар чогида наргис, лола
Хам тонг қуши айтар эди айлаб нола:
Май ички, ҳаётни тарк этурсан бир кун,
Уйғон, ҳали тупроқда ётурсан вола...

Ҳеч берма жаҳоннинг дўстлигига хотир,
Киндан бўллаги бўлмагай ундан зоҳир.
Юз йил яшасанг-да, охири келгай марг¹,
Юз мулкни эгалласанг-да, ҳечдир охир...

Дунёда мудом топғилу бир доно ўтири,
Ё излаю бир нозли санам, зебо ўтири.
Гар сенга муюссар ўлмаса иккиси ҳам,
Вақтингни совурма елгаю, танҳо ўтири.

Кўз тегмасин ул наргиси шаҳлосига!
Кўз тегмасин ул лаъли майдаймосига!
Елғиз тилагим бор — қабул этсин Худо:
Кўз тегмасин ул қомати зебосига!

Биз Тангрини ёд этиб биёбон кетдик,
Тан оламидан кечиб, жон томон кетдик.
Нақ етмиш икки йил туну кун фикр этдик,
Саргашта бўлиб келдиг-у, сарсон кетдик.

Шоҳлик тиласанг, гадоси бўл халқингнинг,
Ўзни унут-у, фидоси бўл халқингнинг,
Бошига кўтарсинг, десанг, эл тож янглиф,
Кўлни ўп-у, хокипоси бўл халқнинг.

Пок этгали тийнатимини бўлдим машғул,
Боқдим ўнга қай дамки тиниқ тортди ул.
Тоғ-тоғ гуноҳимни кўриб ойинада,
Айбини бирорларнинг унутдим буткул.

¹ Марг — ўдим.

58

Топсанг-да ўлим парвоси йўқ дунёнинг,
Қадри шуми сен каби малаксиймонинг?
Ҳайрон қолдим кўриб Азроил ишини:
Қилт этмади бир туки оларкан жонинг...

59

Номайи аъмолда борми мазмун, сўрай?
Бул нарсани қандоқ сўрай, чун сўрай?
Яхшиси кўкрагимдан бир дарча очиб,
Қонли юрагимдан бу ҳол шарҳин сўрай...

60

Келганда ажал ёр жонини олмоққа,
Бир йигладим-ей... тушди булат титроққа.
Қабр устига ким келса, деди бош чайқаб:
«Шундоқ нозанин ҳайф бу қаро тупроққа!»

61

Эрта ғамини чекма, азизим, бир дам,
Ҳар лаҳза ғанимат — уни ўтказ хуррам,
Жон чиқса, ётармиз-да неча минг йиллик
Аждодларимиз билан бақамти биз ҳам...

62

Туз қолмади тақвода, маза парҳезда,
Йўқ таъми гуноҳнинг-да, басе, шул кезда
Сув ювган эса гар тузини ҳаммасининг,
Ел олди мазасини уларнинг тезда.

63

Туз йўқ бу жаҳонда шу кеча-кундузда,
На ер туби; на кўк тоқида — юлдузда.
Туз конлари тузга конлигидан тусиз,
Оҳ, бу не замонки, туз йўқ ҳатто тузда?!

64

Дил ичра қаро тугун мисоли лола,
Оғзи каби ғунчанинг кўзим лиқ жола.
Кўнглимга тўкилди барчаси, доиранинг
Занѓўласидек қулоққа тўлмиш нола.

65

Ҳар гулники, орзу қўлида кўргайман,
Ёр бофининг ул ҳосили-да, кўргайман.

Ҳижрон қадаҳидан ичганим ҳар томчи —
Қон рангини қирмиз лаълида кўргайман.

66

Оҳ чексанг агарда, йўлга тиккил кўзни,
Чоҳ ёнидан ўтсанг, эҳтиёт қил ўзни.
Дўстлар уйида қачонки маҳрам бўлсанг,
Одобини бузма дилу қўлу кўзни.

67

Кўз ташла бу йўлга: раҳнамолар кетди,
Faфлатга қўйиб сени ошнолар кетди.
Ул қавм мувофиқу яқин эрди сенга,
Ул қавм ўтиб, сенга фидолар кетди.

68

Ҳар узви заминнинг дилидир дононинг,
Лаб ё тиш эрур зарралари дунёning.
Ҳар сунбулу гулки, бош кўтаргай ердан
Зулфию юзидир у гули раъонинг.

69

Ҳар кимки; ҳаётда ношукр бўлса — ёмон,
Ҳақ йўлида ул зот яна пир бўлса — ёмон.
Эски экани либосининг нуқсони эмас,
Аксинча, либосда бир қусур бўлса — ёмон.

70

Кўз ёши билан кўнгилни ювдим буткул,
Бор гарди кетиб, кўзгу каби порлади ул.
Ашким кудурат гардини ҳам кетди ювиб,
То йигладим айлангунича кўзгуга дил.

71

Үт ўрнини қишда босмагай гул нафаси,
Бир парча қигизга етмагай Рум атласи.
Тингла сўзини Маҳмуди Пурёрвалининг:
Бехайр киши лўли хотинча эмас-е!

72

Заргарбача кўрсатди йўлин Милтоннинг,
Қоидасидан берди хабар султоннинг.
Қўшди эл ишончи кучга-куч — кўрмасман
Бир арпага тенг Чўнаи Ҳиндистонни!

Хуш умринг аёл оғушида гар ўтади,
 Еллар чўл этагига уриб бар ўтади.
 Ҳар они баҳорнинг ғанимат, завқин сур,
 Биздан-да кейин қанча баҳорлар ўтади!

Бўлди бўларим ғам заҳри — ҳажр оғусида,
 Кўз очсан агар қовриламан қайғусида.
 Минг андишада қўйсан оёқ устига бош,
 Рухсорини кўргум тиззанинг кўзгусида.

Юз бўлса жаҳон — рангини сендан олган,
 Ақл эрса ариқ — сувини ўзинг солган,
 Шабнам каби ўтказма кулиб умрингни,
 Чун боғчани рангу бўйи сендан қолган.

ХОФИЗ ШЕРОЗИЙ

(1325—1388)

Шамсуддин Мұхаммад Ҳофиз Шерозий Эроннинг Шероз шәхрида туғилган. Лекин бутун умри давомида она шаҳридан четга чиқмаган бу «исонафаслик ринди Шероз» (Навоий) ўзининг ёниқ ашъори билан ярим дунёни эгаллади. У ўзидан кейинги Шарқу Farb адабиётига катта таъсир кўрсатди. Буюк немис шоири Ҳёте Ҳофизни «ноёб услуг даҳоси», «муқаддас Ҳофиз» деб улуғлаб, унинг таъсирида «Farбу Шарқ девони»ни яратган бўлса, В. Жуковский, А. Пушкин, Ю. Лермонтов, А. Фет, С. Есенин каби рус шоирлари Ҳофиздан илҳомланиб, «ҳофизона» оҳангларда шеърлар ёзгандар, унинг ижодини юксак баҳолаганлар. Шарқда эса Шероз булбулиндан таъсириланмаган шоирнинг ўзи йўқ ҳисоби.

Ҳофиз шеърлари шакл жиҳатидан мукаммал бўлиши билан бир қаторда, мазмунан ҳам теран: уларда кўп маъноли сўз ва иборалар, мажоз-рамзлар, бадиий санъатлар сероб. Шоир ўз сўзини қават-қават маъно либосига ўраганлиги, услубнинг мураккаблиги учун ҳам унга «лисон ул-ғайб» — «ғойибнинг тили» сифатини берганлар. Шунинг учун ҳам унинг асрларига кўплаб шарҳлар ёзилгач.

Фирдавсий маснавийни, Умар Хайём рубоийни қанчалик тақомилга етказган бўлсалар, Ҳофиз Шерозий ҳам ғазални шунчалик юксак пояга кўтарди. Мана, неча асрлардан бўён рубоийда бирор шоир Умар Хайёмга етолмагани каби, ғазалда ҳам ҳеч ким Ҳофизнинг олдига тушолган эмас.

У Шарқда Ҳўжа Ҳофиз номи билан машҳур. Шоир ғазаллари ва рубоийларидан намуналарни ўзбек тилига Хуршид, Чустий, Муинзода, Васфий, Ш. Шомуҳамедов, Ж. Жабборов, Э. Воҳидов, М. Кенжабек каби форс-тоҷик адабиётининг билимдонлари таржима қилганлар. Устозлар анъанасини давом эттириб, биз ҳам шоир рубоийларидан бир дастасини таржима қилишга журъат этдик.

1

Бир лаҳза лабингни олмагил жом лабидан,
То топса жаҳон комини дил жом лабидан.
Омухта жаҳон жомида аччиғу ширин,
Бул ёр лабидан етга-ю, ул жом лабидан.

2

Ул шамъи Чигил дардини айтиб бўлмас,
Кўйган бу кўнгил дардини айтиб бўлмас.
Андин юрагимда ғамки, йўқ маҳрами роз,
Ҳар кимсага дил дардини айтиб бўлмас!

3

Бир моҳки, қади сарвга менгзар, оё,
Кўзгу қўлида — ўзига бёргай оро.
Дер менга кулиб рўмолча пешкаш этсан:
«Васлим тила ғингми? Хом хаёлинг, аммо!»

4

Мен бандаси ул кимсаниким, шавқи баланд,
Гар бўйнида тавқи ишқ, абас, мавқе баланд!
Ошиқлигу ишқ кайфини сен не биласан,
Бул бодани ул кимса ичар — завқи баланд!

5

Дўст бирла ўтири ҳамда маю жом иста,
Шод этсин ўпич бериб гуландом, иста.
Хоҳлайди жароҳатин битишин мажруҳ,
Жарроҳга келиб, дардинг учун ком иста.

6

Бўлса эди бир шўх санаму барбату¹ най,
Хилват ва фарофат яна бир шишада май,
Майдан² қизибон тандаги бор томириу пай,
Бир арпа умид қилмас эдик, Хотами Тай!

7

Ул жомки, сафо гулшани — тут илкимга,
Ёр тимсоли соғар — ани тут илкимга,
Занжир каби ул май ўралар ўз-ўзига,
Девонаси бўлдим, қани, тут илкимга!

8

Кел, қўлда тутиб қилгучи шод бодаи ноб,
Кел, сифла² рақибдан яширин ҳамда шитоб,
Душман сўзига кирма сира, кетма, ўтири,
Кел, тингла бу нуктани-ю, нўш айла шароб!

¹ Барбат — саккиз торли қадимий мусиқа асбоби.

² Сифла — пасткаш, нокас.

Сен түлгән ою, сенга қүёш банда эмиш,
То банда эмиш ўшал — равшан-да эмиш.
Бир чеҳраки, офтоб нур эмиб шуъласидан;
Ой ҳам илибон ёғду билан шаън-да эмиш...

Ул фасли йигитликда шароб кўп создир,
Гул юзлар ила бодайи ноб кўп создир.
Оlam-ку хароб работ эрур бошдан-оёқ,
Бўлмоқ бу хароб ерда хароб кўп создир.

Эй баҳт, фақирга қани бир ёр бўлсанг,
Мажруҳи замон — дилга мададкор бўлсанг.
Ёшлик-ку чиқиб кетди жиловдек қўлдан,
Кексалик узанги каби пойдор бўлсанг...

Гар биз каби сен ҳам асири дом бўласан,
Азбаски, хароби бодаю жом бўласан.
Дунёсига ўт қўйгучи ошиқлармиз,
Биз бирла ўтирма сира — бадном бўласан!

Ким кўрди у ёрдан вафо — мен кўраман?
Ким кўрди жафодан сафо — мен кўраман?
Умримсан-у, аммо, бевафосан, не қиласай,
Ким кўрди умрдан вафо — мен кўраман?

Ҳаргиз мени ёд айламадинг, шамъи Чигил,
Мушкул эса-да бу мен учун — кўнти кўнгил.
Дардеки, ғамингдан юрагимда қат-қат,
Дил билгай-у мен билгум, мен билгум-у дил.

Ҳажринг ўтида шамъ каби афзун йифлай,
Жомдек тўқайин-у ашки гулгун, йифлай,
Май жомига ўхшайман-у, дилтангликдан
Чанг ноласини тинглар экан, хун йифлай...

Создир неча дилни май билан шод этсак,
 Ўтган билан кетганин-да кам ёд этсак,
 Ҳам бир ўёла зиндоний омонат жонни
 Бир лаҳзага ақл илкидан озод этсак...

Бул кеча ғамингдан қон аро ётгумдир,
 Ранж бистарида ҳижрон аро ётгумдир.
 Гар шубҳа этарсан, ўз хаёлингни юбор,
 Кўрсин ўша не афғон аро ётгумдир...

Шўхликдами, бизнинг ўша дилбар тоқдир,
 Бечора дилим висолига муштоқдир.
 Ўймоқ каби — оғзи, юзи — лола, тани — сийм¹,
 Ширин сўзу боз латифу сийминсоқдир².

Ёр зулфи паноҳида суман топди ривож,
 Ёқут лабидан дурри Адан топди ривож.
 Дилларга ривож берса лабидек кошки,
 Дунё-да унинг ишқи билан топди ривож!

Боғ ичра бўлиб боди сабо дояи гул,
 Машшота³ мисоли ясатиб пояи гул,
 Гар соя аро топса омонлик офтоб,
 Бас, иста қуёш юзлини-ю, сояи гул.

Турк чеҳрали ул фаришта жон қасди эди,
 Кўздан яширин ҳур каби бўй-басти эди,
 Тор бўлмаса мунча оғзинг — йўқдек-ку, десам,
 Куйманг-да қилиб тамаъи хом асти, деди.

Гул ғунчаси то бодага ҳамроз бўлгай,
 Май майлида наргис қадаҳсоз бўлгай.

¹ С и й м — кумуш. *Бу ерда:* кумушдек бадан.

² С и й м и н с о қ — *бу ерда:* гўзал, зебо маъносида.

³ М а ш ш о т а — пардоҳчи.

Фориғ дили ул кимсаныким мисли ҳубоб¹
Майхонага йўл тутиб — сарафroz бўлгай!

23

На давлати дунёнинг ситамга арзир,
На лаззати мастиликнинг аламга арзир.
На шодлиги дунёнинг неча минг йиллик
Ул бир неча кун меҳнату ғамга арзир.

24

Улфатлар аро қай куни дил қилди хитоб:
Гул мавсумида тарк этайин бодаи ноб.
Булбул чаман ичра қичқириб берди жавоб:
Фофил, бу нима — фасли гулу тарки шароб?!

25

Мен ҳақдаги фикрингни, сабо, сўзла ниҳон,
Оз бўлса-да ишқ изҳорига мингта забон,
Оҳиста сўз оч сўз орасинда, тики
Севгимни малол олмасин ул қоши камон.

26

Ҳарчанд фироқ сендан узоққа солсин,
Сабримни юзинг ҳажри дилимдан олсин,
Бир бор назарим тушса бўлак юзга агар,
Хуснинг тузи ҳаққи, кўзларим кўр бўлсин!

27

Ич боданиким, мангу ҳаёт шу асли,
Беш кун бу тирикликда најжот шу асли.
Гул мавсумию дўсту яқинлар сармаст,
Шод бўл, бу жаҳонда чин нишот шу асли!

28

Чеҳрангки, латофат ичра ойнаи рух,
Тонгларда хаёлинг қадами берса шукуҳ,
Тортишга кўзимга қўрқаман киприкдан:
Бўлмасми хаёлингнинг оёғи мажруҳ?

29

Ўлдим бўса бирла қучоғинг орзусида,
Ўлдим ўша жонбахш дудоғинг орзусида,
Нўзиб нетаман қиссани, бас, қисқа қилай:
Ўлдим, яъни бошдан-оёғинг орзусида!

с ¹ Ҳубоб — кўпик.

Сув кетди тагига умр вайронасининг,
Тўлмоқ ғами босди умр паймонасининг,
Эй хожа, кўзингни оч, замон ҳаммоли
Рахтини қўпормоқда умр хонасининг...

Эй, тортинади ғунчай маствур¹ сендан,
Ҳайрону хижил нарғиси махмур сендан.
Гул teng кела олмас сенга, ул моҳтобдан —
Гар ёғду эмар, олади ой нур сендан.

Эй ёр юзи ишқи, мени кўп зор этма,
Дилхаста бу ринд аҳлини хуммур этма,
Расмини йўловчиларнинг, сўфий, биласан,
Ринд аҳли ҳақинда сўзни бисёр этма.

Ҳеч бир умидингни оқламас чарх — олчоқ,
Ҳар айланishiдан титра мисли япроқ.
Дединг: «Қорадан кейин бўлак ранг бўлмас».
Бўлди нега унда қора сочим оппоқ?!

Ғамдан ўзга менинг мададкорим йўқ,
Ғамдан ўзга ишқ ичра ҳам ёrim йўқ.
Бас, топмадим ўзга ҳамдаму ҳамрозни,
Ғамдан ўзга дўсту вафодорим йўқ.

Мақсад йўлида умрни зоеъ қилдим,
Нафъ кўрмаганимни бу замондан — билдим.
Ҳар кимга деган эсам сени дўст тутдим,
Бўлди ўша душманим — бағирни тилдим...

Келмайди хаёлимга ўйингдан ўзга,
Йўл борини билмадим кўйингдан ўзга.
Ҳар дийдага уйқу ёқар, аммо менинг
Кўзимга кўринмайди бўйингдан ўзга.

¹ М а с т у р — иффатли.

То ҳукми илохий бунда мангу бўлгай,
 Ҳамроҳинг абад қувончу кулгу бўлгай!
 Қўлингдан агар мен бир қадаҳ нўш этсам,
 Бас, мангу ҳаёт қармояси шу бўлгай!

Май майдалаб ўлтирса, на соз, сув бўйида,
 Дунё ғаму ташвишини қўй — беҳуда:
 Гул умри каби ҳаётимиз ўн кундир,
 Бил ҳар дамини унинг ғанимат жуда.

Шодлик қушиининг наволари келмоқда,
 Ё Боги Эрам ҳаволари келмоқда,
 Ё ёр лабидан сабо хабар келтирмиш,
 Алқисса, ажиб садолари келмоқда.

Офтобдек ул ой юзи мунаввар бўлди,
 Хатти бўйида чашмаи кавсар бўлди.
 Дилярни у солди ҷоҳига кулгичининг,
 Ҷоҳ теграси буткул мушку анбар бўлди.

Аввалда вафо қилди тутиб жоми висол,
 Маст этди-ю, ҳажр аро сўнг отди у ҳилол,
 Ҳар икки кўзим ёшга, дил оташга тўла,
 Тупроқ каби жоним йўлида бўлди увол...

Сепган каби юз тилим жигар устига туз,
 Ҳажринг ғами тутди хаста кўнглим сари юз.
 Қўрқиб яшаган эдим мудом ҳижрондан,
 Ҳайҳот, ўша айрилиқ етиб келди бу кез...

Кўйингда менингдек киши йўқ бехона,
 Наздингда менингдек киши йўқ бегона.
 Зулфинг дорига осишгани бежиз эмас —
 Ишқингда менингдек киши йўқ девона.

Кўнглим қуши то тушди ғаминг домига-ей,
 Бўлди у йўлиққан каби тиф комига-ей,

Дунѣ қадаҳин шарбатидан б езорман,
Т ўлди жигарим қони ғаминг жомига-ей.

45

Вақт етди, хуморлар аста қўзғолгайлар,
Ёру маю соз ёнидан жой олгайлар,
Ўткинчи ҳаётга қасдма-қасд ул дамда
Жом бирла қадаҳга қора қон солгайлар.

46

Ёр сочини тутдим: «Эй ҳаётим нақши,
Ўнглагил ишим, дилимнинг фараҳбахши».
Деди: «Қўйу сочимни, лабимни иста,
Бир лаҳзалик айш узун умрдан яхши!»

47

Жонон, сени тарк айламак эрмас осон,
Зумрад хатинг қошида то бермай жон.
Жонимни ғизосидир у ёқут лаблар,
Келмайди teng унга иқки юз минг маржон.

48

Шўр баҳтим агар бўлмаса ёр, мен на қилай?
Кўнглимни қувонч айласа зор, мен на қилай?
Кўзимнинг у гавҳари эди — тарк этди,
Бу гавҳари йўқ кўз энди хор, мен на қилай?

49

Важ топади ким бодани инкор қилади:
Шундай тирилар ҳар киши қандай ўлади!
Бизлар яшадик маъшуқу май бирла мудом,
Бас, ҳисса қиёматда да шундай бўлади!

50

Гул баҳти жуда кулган экан гулшанда,
Йифлайди булат, гул-чи, қилади ханда.
Мақтанса-да озодлигидан ҳарчанд сарв,
Тик қаъди билан бўлибди гулга банда.

51

Жонон бу кечани мен билан ўтказди,
Бу баҳтни менга Худо ўзи етказди.
Ўлим ғами йўқ энди менга, чунки санам
Жонбахш лабидан обиҳаёт тутқазди.

52

Қай дам назаринг бу дили ғамнокка етар,
Гүёки қүёш шуъласи хошокка етар.
Сўз қотма, эсам-да гар йўлинг тупроғи,
Минг ҳайфки, оввозинг агар хокка етар...

53

Гар кўйлагини ечса у ой юзли пари —
Мотдир бу жаҳондаги гўзалларнинг бари!
Қалби кўринар кўксидаги нозиклигидан
Соф сувда кўринган каби тош зарралари.

54

Шоҳ тахтида ўлтиrsa-да тўкиб ёшини
Гул зорланади: «Кўринг бу дунё ишини:
Гар шунча куяр мен каби шаффоғ хилқат,
Вой, ҳолига мингвой гуноҳкор кишининг!»

55

Дерларки, беҳишт эшигига етгаймиз,
Май — қўлда, малак — қулоқда айш этгаймиз,
Бас, биз маю маъшуқни десак, не бўпти?
Иш оқибати шундай экан, нетгаймиз?!

56

Тонг ели, ўшал сулувга хушторлигим айт,
Бир кўргали ой юзини минг зорлигим айт,
Тунларни ширин уйқуда ўтказгучи ул —
Бегамга қачондан бери бедорлигим айт.

57

Токайгача бу элга жафо қилгайсан?
Озурда кўнгилларни яна тилгайсан?
Дил аҳли қўлида қонсираган тиф бор,
Қонинг сени бўйнингда эрур билгайсан?..

58

Дедимки: «Лабинг?» Деди: «Лабим — обиҳаёт».
«Оғзинг-чи?» — дедим. Деди: «Бу—бир дона набот».
Дедимки: «Сўзинг?» Дедики: «Хофиз айтмиш:
«Сўз пирларини дуо билан айланг ёд!»

Мардликни сўра фотиҳидан Хайбарнинг¹,
 Ҳиммат сирини хожасидан Қамбарнинг.
 Ҳақ файзини, Ҳофиз, тиласанг астойдил,
 Сўр манбани соқийсидан кавсарнинг!

Эй дўст, ғаним жафосига қўл силта!
 Майдан ўзга сафосига қўл силта!
 Ҳақни бил-у, ўзингни — бу олам элининг
 Ҳар яхши-ёмон баҳосига қўл силта!

¹ Хайбар фотиҳи — Ҳазрат Али.

УБАЙДИЙ (1487—1539)

Дашти Қипчоқдаги ўзбеклар давлатининг асосчиси Абулхайр-хоннинг эвараси, Бухоро ҳокими Маҳмуд Султоннинг ўғли Абдулғози Убайдулло Баҳодирхон XVI аср Мовароуннаҳр адабий-маданий ҳаётida катта ўрин тутган машҳур сиймолардан биридир. Тарихга, кўхна меросга нисбатан ҳукм сурган бирёзлама синфий муносабат туфайли узоқ йиллар мобайнида унинг ҳаёти ва ижодини ўрганиш имкониятидан маҳрум бўлиб келдик. Бунинг сабаби Убайдуллохоннинг хонлиги — «эзувчи синф» вакили эканлигига эди.

Убайдуллохон Мовароуннаҳри шиа мазҳабидаги Шоҳ Исмоил бошлиқ эрон сафавийлари — «қизилбошлар» (шиаларнинг бошдан оёқ қип-қизил кийимида юрганликлари учун суннитлар уларни шундай лақаб билан атаган) истибододидан сақлаб қолган. Унинг Марказий Осиё ҳалқлари тарихидаги бу буюк хизмати муаррихлар томснидан ҳануз ўзининг муносиб ва ҳаққоний баҳосини олганича йўқ. Диндор подшоҳ сифатида у Мұҳаммад суннатини ривожлантирган ва мустаҳкамлаган, тасаввуф равнақини ҳар жиҳатдан қўллаб-қувватлаган. Зеро, Хожа Убайдуллоҳ — Хожа Аҳорор Вали ўзининг муборак исмини берган, унинг шогирди — Мир Араб номи билан машҳур бўлган Амир Абдулла Яманий муршидлик қилган Убайдийнинг ўзи ҳам қалбан сўфий — нақшбандий эди. Ҳофиз Таниш Бухорийнинг «Абдулланома» асарида ёзилишича: «Унинг даври ва ҳалофати замонида Мовароуннаҳр, хусусан, Бухоро вилояти гуллаб-яшнади».

Шайбоний ҳукмдорларидан Кўчкинчихон ва унинг ўғли Абусаид-хон даврида Бухоро ноиби бўлган. 1533—1539 йилларда эса Бухорода мустақил хонлик қилган шайбонийлар сулоласининг бу йирик намояндаси донишманд давлат арбоби ва жасур саркарда бўлибигина қолмай, замонасининг «барча фазилатлар билан безанган» (Мирзо Ҳайдар) ҳар жиҳатдан етук кишиси эди. У «шеър илмларида соҳиби фан» (Ҳасанхожа Нисорий) бўлиб, ўзбек, форс ва араб тилларида қалам тебратган истеъододли зуллисонайн шоир, Қуръон мутолаасини осонлаштириш учун туркий тилда «Ат-тажвид» рисоласини яратган илоҳиёт олими, шариат қонунлари бўйича махсус китоб битган факиҳ, етти хил ҳусниҳатда ёза оладиган, хусусан, насталиқни жуда гўзал кўчирадиган хаттот, Қуръонни тажвид билан қироат қиласиган ҳофизи Қуръон, мусиқа илмида ва ашулада моҳир санъаткор ҳам эди.

Убайдий ўзбек, форс ва араб тилларидаги шеърларини тўплаб,

үч дёвон тартиб берган. Бир муқода остида жойлаширилган вә «Куллиёт» деб аталган бу китобнинг ягона қўлёзмаси Ўзбекистон Республикаси Фанлар академияси Абу Райхон Беруний номидаги Шарқшунослик институтининг қўлёзмалар фондида 8931-рақами билан сақланади.

Убайдий нафақат туркий, балки форсий адабиётда ҳам забардаст рубоийнавислардан ҳисобланади. Унинг «форсий девон»ида 418 та рубоий мавжуд. Бу рубоийларда ислом ва иймон улуғланиб, тасаввуф ва футувват (жавонмардлик) ғоялари тарғиб қилинади, илоҳий ва дунёвий ишқ тараанум этилиб, Оlam ва Odam тўғрисидаги фалсафий мулоҳазалар ифодаланади. Улар орасида замонадан, чарху фалакдан шикоят, панд-насиҳат руҳидаги, таржиман ҳол характеридаги рубоийлар ҳам анчагина. Шоирнинг диний бидъатчиликни қораловчи, рофизийларга қарши курашга даъват этувчи рубоийлари ҳам мавжудки, улар Шоҳ Исмоил Сафавийнинг шиа мазҳабидаги сипоҳийлари — қизилбошларнинг Бобур бошлигига Мовароунаҳрга бостириб кириши ва Убайдуллохоннинг уларни бу муқаддас тупроқдан қувиб чиқариш учун олиб борган жангу жадаллари муносабати билан ёзилган.

Убайдий рубоийларининг тили равон, услуби содда вә гўзал, мазмуни кенг ва теран. Улар дунёнинг барча пасту баландини кўрган, ҳаётнинг бутун аччиқ-чучугини тотган, инсон феълининг турфа тусланишларини обдан ўрганган, илми зоҳир ва илми ботинни ўзида мужассам этгани олим ва ориф инсоннинг қалбидан қайнаб чиқсан ҳикматлардир.

1

Бу жон мудом сенинг адойинг бўлсин!
Бу дил ҳамиша мубталойинг бўлсин!
Бир жон не бўлар — сенга фидо этмак учун
Юз жоним агар бўлса, фидойинг бўлсин!

2

Тортар ўзига ишқу ҳавоси ёрнинг,
Айлар мени лол ҳусни сафоси ёрнинг.
Қўзимга қилиб сурма оёғи гардин,
Бошимни этарман хоқипоси ёрнинг...

3

Ҳукмингда магар мамлакати Мисру Яман,
Фармонингда мулки Хитой ҳамда Хўтан,
Бор бойлигини йифсанг-да ер юзининг,
Эй шоҳ, жаҳондан этасан битта кафан!

4

Бизга бу фалак гоҳи вафо, гоҳи ситам,
Гоҳ шодлигу гоҳ фароғату гоҳи алам.
Хеч дил ғаму шодликдан эмасдир холи,
Дунёни ғаму шодлиги бирга ҳар дам.

5

Инсон зоти доим асири ҳою ҳавас,
Ҳар супраки, кўрса — устида мисли магас.
Дону сув илинжида забун қуш монанд
Ҳар лаҳза бало домидаю банди қафас.

6

Ҳар кимсаки, жоҳиллар ила бўлгайдир,
Дин ҳукмича, ғофиллар ила бўлгайдир.
Ҳар кимса яқин бўлса камол аҳли билан,
Ҳақ лутфи-ла комиллар ила бўлгайдир.

7

Руҳим бегумон сенга ҳар он ёр эди-ей,
Ошуфта бу жоним-да мудом зор эди-ей.
Дил бўлган эмас энди гирифтор сенга,
Ул асли азал сенга гирифтор эди-ей!

8

Ул шўх ҳамиша дилрабо эрди менга,
Ундан неча меҳри вафо эрди менга.
Фарёдки, тарқ айлади ошноликни,
Ёт бўлди ўшалки, ошно эрди менга.

9

Учратмадим Оллоҳ сиридан оғоҳни,
То бошласа Ҳақ йўлга у мен — гумроҳни.
Оллоҳим, этиб лутф чақирсанг нетгай,
Қошингга яқин билиб Убайдуллоҳни.

10

Йўқ бўлса юзинг, гулни урайми бошга?
Йўқдир назарим лола каби сирдошга.
Киприкда тизилган қатра-қатра қонни
Не деб атайин баҳор гулидан бошқа?!

Даврон ғамидан заррача ғам йўқ менда,
Чарх айланишидан-да алам йўқ менда.
Ишқингда йўқотмишман ўзимни андоқ —
Парво сенга ҳам, ўзгага ҳам йўқ менда.

Чарх этди жудо мендан ўшал моҳимни,
Етказди фалакка нолаи оҳимни.
Шамъдек куяру, йиглагуси ҳолимга
Ҳар ким, эшитар оҳи саҳаргоҳимни.

Файз етгуси зикр ила дили огоҳга,
Ул файз эгаси яқин бўлар Оллоҳга.
Сўз дерлару «ло илоҳа»дан, етгайлар
Моҳияти «ло илоҳа иллаллоҳ»га.

Токай кўрасан хору паришон ўзни,
Ҳар лаҳза харобу хонавайрон ўзни.
Мажнун каби девона бўл-у, айла халос
Оlam элининг қўлидан, эй жон, ўзни.

Булбул каби кўнглим нола этса, не ажаб?
Парвоз қилиб, аршга етса, не ажаб?
Айлансан-у тупроққа вафоси йўлида,
Хоким-да вафо ҳидин таратса, не ажаб?

Ёр сеҳру фусун бандига солди бу кеча,
Юз ишва билан дилимни олди бу кеча.
Бошим нега кўкка етмасин бу баҳтдан —
Дил ўрнида кўксимда у қолди бу кеча.

Ҳар сунбули тоза зулфи дилдор эмиш-ей,
Ҳар лола жамоли лоларухсор эмиш-ей,
Ҳар сарви баланд қомати ёр эмиш-ей,
Ҳар ғунча дили бир ошиқи зор эмиш-ей.

Бир шўх санаму сояи шамшод бўлса,
Диллар яна ғам қайдидан озод бўлса,

Ҳуշдир жуда май жомию маҳбуб ҳусни
Анҳору саройи Астробод бўлса!

19

Муҳтожга қайиш — асли каромат шулдир,
Бир ишки, йўқ ортида маломат — шулдир.
Ҳар икки жаҳонда, солико, иймонни
Қутқаргучи чин роҳи саломат шулдир.

20

Сендан ризо кўзлаган Убайдуллоҳдир,
Лутфинг сўрао бўзлаган Убайдуллоҳдир.
Ҳар икки жаҳонда кўзу кўнгил бирлан
Сендан сени излаган Убайдуллоҳдир.

21

Ёр оразининг ҳусну сафоси ўзга,
Ёр манзилининг обу ҳавоси ўзга.
Фирдавс агарчи яхши жойдир, аммо
Ёр турган ўшал (жойни) нг баҳоси ўзга.

22

Ўз илмию фазли била ким мағрурдир,
Ўз баҳтига душманлик ила машҳурдир.
Ҳар дилки, ҳудо нури билан маъмурдир,
Жаҳл зулматидан фориғу ҳам масрурдир.

23

Ул шўхи жафопешаки, дилдор бизга,
Ҳар ерда қиласи у қасди озор бизга.
Жом бирла қадаҳ мисоли лаъли лабисиз
Қон йиғлашу қон ичиш эрур кор бизга.

24

Ҳар кимсаки, Ҳақ ишларидан маҳрумдир,
Ул ҳам Ҳақу ҳам халқ олдида мазмумдир.
Сўз очмак эмас раво кишининг ишидан,
Ҳақ олдида чунки ҳаммаси маълумдир.

25

Ким Ҳақни унутса — ўша ғофил бўлгай,
Кўнгли ўлар-у, тупроқ ила гил бўлгай.
Ким кўнглига Ҳақ ёди била берса ҳаёт,
Ул икки жаҳонда барҳаёт дил бўлгай!

Бу боғни бугун ҳавоси бисёр ҳушдир,
Ҳуснинг нуридан сабзаю гулзор ҳушдир.
Оллоҳ ҳақи, гул ғунчасидек пардада бўл,
Чеҳрангни сенинг кўрмаса ағёр хушдир.

Эй ёр, нима гап, замона фосид бўлди,
Ул кайфу сафо бозори косид бўлди.
Қилмасди бирор бизга ҳасад — энди эса
Макр ила ҳасад этди-ю, ҳосид бўлди.

Дунёда нетай ному нишонни сенсиз?
Ҳам Хизр каби умри жовидонни сенсиз?
Сенсиз менга даркор эмас бу жону жаҳон,
Жоно, не қиласай жону жаҳонни сенсиз?!

Дийдорини бир кўриш учун зор бўлдим,
Дийдорининг орзусида бемор бўлдим.
Бас, давлати дийдорига етказ, ё Раб,
Умрим борича толиби дийдор бўлдим.

Хайрингни дариф тутмадинг авбошлардан,
Тавфиқни-да лутфинг ила айёшлардан¹.
Оллоҳим, умид Ўзингдан — Од қавми каби²
Ер юзини пок айла қизилбошлардан!

Ҳар кимда бу ғам уйида манзил бўлгай,
Қандай қилиб у айшга мойил бўлгай?
Ғам-қайгули бу замонда, эй ёри азиз,
Бир киши топилмаски, у хушдил бўлгай.

Дил аҳлига мен ёру яқин бўлгим бор,
Ҳам дўсти азизи аҳли дин бўлгим бор.

¹ А ё ш — ишратшараст, айш-ишратни севувчи.

² Маълумки, Од қабиласига Ҳуд пайғамбар қилиб юборилган эди. Лекин қавми у қўрсатган ҳидоят йўлига юргагани туфайли, Оллоҳ таоло бу қабилани ер юзидан йўқотиб юборган.

Бир лаҳзада ҳар икки жаҳонни унугтиб,
Дил аҳли каби гӯшанишин бўлгим бор.

33

Кўзим куяр ул сарви равон фурқатида,
Кўнглим куяр ёри меҳрибон фурқатида.
Дард оташи бирла чорасизлик ғамидан
Кўксим куяр, ўртанаади жон фурқатида.

34

Дўстлар, дилима бало бўлишга не сабаб?
Хаста жонима жафо бўлишга не сабаб?
Ҳар лаҳза менинг ҳамдаму ёрим эдингиз,
Бир бора бу кун жудо бўлишга не сабаб?!

35

Дунёда Худо лутфу ато бахш этгай!
Уқбода ҳури нозик адо бахш этгай!
Ҳар икки жаҳонда нимани истар эсам,
Ул истаганим менга Худо бахш этгай!

36

Эзгу ишимизга нафс монеъ бўлди,
Ўткинчи жаҳон айшига қонеъ бўлди.
Афуски, бир иш қилмадик Оллоҳ йўлида,
Қимматли ҳаёт шу хилда зоеъ бўлди.

37

Ҳақдан у азизларки, хабар топмишлар,
Юз бор валилардан-да назар топмишлар.
Мақсаду муродини улар-да доим
Тун ярмида ёинки саҳар топмишлар.

38

Кўз ҳаққи, лиқойингни севарман, эй дўст,
Ҳар лаҳза сафойингни севарман, эй дўст.
«Сев, — десанг, — итимни», сени деб ул итни —
Тимсоли вафойингни севарман, эй дўст.

39

Ношукр киши подшодан нолигай,
Ҳар меҳнату ранжу ҳар балодан нолигай.
Ҳақ душмани у — ҳеч гина қилмас ўзидан,
Ҳам дўсти Худою ҳам Худодан нолигай.

40

Фарзона дилим кўйингда Мажнун бўлсин!
Кўнглимда юзингнинг ишқи афзун бўлсин!
То рашку ҳасад ичра юмуқ гунча каби
Ошуфта кўнгиллар бари маҳзун бўлсин!

41

На ҳоли дилим чархи фалак билгайдир,
На сирри ниҳонимни самак¹ билгайдир.
Ҳолимдан эмас Худодан ўзга огоҳ,
На инсу на жину на малак билгайдир.

42

Етганда ажал бу кўзларинг кўр бўлгай,
Ул дамда мақому манзилинг гўр бўлгай.
Гўр ичра танинг бўлгаю пора-пора,
Ҳар пораси битта улуши мўр бўлгай.

43

Ул қавмки, мол-дунёга мағрур бўлди,
Ҳақ лутфидан мосивою маъзур бўлди.
Ул қавмки, англаб буни тарк этди уни,
Ҳар икки жаҳонда шоду масрур бўлди.

44

Фарзанд агар мутеъи фармон бўлгай,
Ҳақ лутфи унга мудом фаровон бўлгай.
Бешубҳа бунингдек фарзанд ҳар доим
Кўзинг нурию раҳмати Раҳмон бўлгай!

45

Ҳеч кимсага теккизма забони покинг,
Бўлсин, десанг, осуда бу жони покинг.
Ифлос қиласи оғизни ғийбат, билсанг,
Бас, булғама ҳеч қачон даҳони покинг.

46

Саргаштаси ёрнинг дилу жондан кечгай,
Оввораси бўлса, хонумондан кечгай.
Девонаси ақлу ҳушини тарк айлаб,
Бир лаҳзада ҳар икки жаҳондан кечгай.

¹ Самак — бу ерда ер ости маъносига келиб, фалакка қарши қўйилалапти.

Ҳақ ёңидан айру күнгил энг мазмум эрур,
Шайтон билан алоқаси маълум эрур.
Ҳар кимки, Худо ёди билан бедор эмас,
Бундай кишини тирик дема, марҳум эрур.

Ушла отининг жиловидан ишратнинг,
Шодлик бу—шамол, тут этагин давлатнинг.
Оlam элининг азизи бўлмоқ эрсанг,
Солик каби танла йўлини узлатнинг.

Кечиб вужудингдан агар ҳур бўласан,
Ҳақ меҳрига ёр, лутфига маъмур бўласан.
Восил бўласан васлигаю Оллоҳнинг,
Нур оламида бошдан-оёқ нур бўласан!

Ёрига бўлар ҳамиша ёр чин ошиқ,
Килмас сира узлатни шиор чин ошиқ.
Ишқ оламида ўзгани илмас кўзга,
Ёрига этар жонни нисор чин ошиқ.

Афсус, бебаҳо умр равон ўтгусидир,
Бу бебаҳо умр каби жаҳон ўтгусидир.
Етмак учун ломаконга парвоз айлаб
Жон қуши жаҳондан бегумон ўтгусидир.

Ишқингда ҳар ошиқ дилу жондан кечгай,
Ҳам нақди ҳаёти жовидондан кечгай.
Васл орзусида кўзни юмиб-очгунча
Ҳам жонидану ҳам бу жаҳондан кечгай.

Қим тўккали обрўйинг шитоб қилгайдир,
Халқ ўртасида таъна-итоб қилгайдир.
Сен унга жавоб айламаю жим ўлтири,
Ўрнингга фаришталар жавоб қилгайдир.

Чин дилдан ибодатинг адo қилгайман,
Ҳар дам сени(нг) ҳаққингга дуо қилгайман.

Излаб бу жаҳон ичинда дийдорингни,
Васлингни у дунёда даъво қилгайман.

55

Ҳар ерда наю майдан эса жўшу хурӯш,
Бул жўшу хурӯш ичра ичиш бода на хуш!
Зоҳид каби бозорга ўзинг солмаю ҳеч,
Порсолигинг эл ичра сира айлама пеш.

56

Бул кўҳна жаҳон бошдан-оёқ вайрондир,
Ободлиги тупроқ ила яксондир.
Сен унда макон тутмаки, бул кўҳна жаҳон
Орёомгаҳи деву даду шайтондир.

57

Жонинг вужудинг туфайли ғамнок бўлгай,
Айбу кинадан гарчи дилинг пок бўлгай.
Зийрак кўзим-её, кўриб турибсан-ку ўзинг:
Бор бўлса нима, оқибат у хок бўлгай...

58

Ошиқлик удум-расми то пайдо бўлди,
Ошуфта дилим жаҳонда якто бўлди.
Ҳар дил у пари зулфига шайдо бўлди,
Девона дилим каби у расво бўлди.

59

Ишқ бодасидан агарчи мастсан — шод бўл!
Қилдингми нажот йўлига қасд сан — шод бўл!
Халқдан узилиб гар кеча-кундуз, эй дил,
Йўқлик гўшасида ҳақпаратсан — шод бўл!

60

Келдик баримиз-да мустақим йўл бирлан,
Кўйинг сари покиза, салим дил бирлан.
Сёқни қабартириб вафо йўлида,
Кўришгани келдик шу қадим эл бирлан.

61

Дилдан сира ҳам қилма йироқ имонни,
Ҳар лаҳза яқин айла имонга жонни.
Зикринг ила ҳар нафас сафо аҳли каби
Қув дилдан ўзинг васвасай шайтонни.

62

Хуш улки, тутар мақом фано дайри аро,
Айлаб дилига мудом Худо ёдини жо.
Сидқ ила қадам қўйиб вафо кўйига ул,
Ҳақ йўлида боқмас икки дунёга қиё.

63

Гар бўлди зиёда қайғуга эшлигимиз,
Фам дастидан беҳудлигу беҳушлигимиз,
Оллоҳга шукр, афзал эрур шоҳликдан,
Эй дарвешлар, ҳамиша дарвешлигимиз!

64

Ишқинг асари руҳимда бўлгач пайдо,
Кўз бирла кўнгил Узингга бўлди шайдо.
Исмингни агарчи келтиарман тилга,
Мақсуд менга исмингдан эрур мусаммо.

65

Ё Раб, менга дуч айла дили огоҳни,
Кўрсатсин у солик каби менга роҳни.
Лутфу караминг бирла бу дам огоҳ эт
Ул Каъбаи васлингдан Убайдуллоҳни.

66

Эй дил, мени на деву на дад¹ қўрқитгай,
Ё айбу гуноҳлар беадад қўрқитгай.
Оlamда булардан сира йўқ хавфим, лек
Дўст кўнглидаги кину ҳасад қўрқитгай.

67

Кўргум у сафо аҳлида бир нуре сафо,
Кўргум у нуре сафо каби меҳру вафо.
Ҳар лаҳза басират аҳли янглиғ, ё Раб,
Кўргум нимага боқсам ўзингни танҳо.

68

Эй дўст, на дарвешу на хоқон бўлдим,
На шоҳу бирор мулкка, на султон бўлдим,
Оlamда ўзимча на у, на бу бўлдим,
Ҳақ хоҳлагани каби бир инсон бўлдим.

¹ Да д — йиরтқич, ёввойи ҳайвон.

Ул қавм асири доғи ҳижрондирлар,
Тупроқ билан якранг-у, яксондирлар.
Дарвеш каби бўлса-да улар сувратда,
Маъно оламида шоҳу султондирлар.

Дил дарди унинг давосига арзимагай,
Жон роҳати ҳам жафосига арзимагай.
Эй дил, тилама икки жаҳон айшини ҳеч,
Арзирми ғамингга у ва ё арзимагай?!

Ошуфта бу жон сенинг фидойинг бўлсин!
Саргашта бу бошим хоки пойинг бўлсин!
Ҳар иш бўлади сенинг ризойинг бирлан,
Алқисса, менга Сенинг ризойинг бўлсин!

Маҳшарда сўралгай — аҳдингга айла вафо,
Аҳдингни бузиб, ўз-ўзингга қилма жафо.
Ким чиқса мудом ўз аҳдининг уддасидан
Билгил уни мардлар аро мардӣ Худо!

Токай бу замон ғамидан афсона бўлай,
Афсонаи ҳар оқилу фарзона бўлай.
Ошиқ бўлаю икки жаҳондан кечибон
Бир Лайлисифат ишқида парвона бўлай!

Ҳаддан ўтди ғаму малолим, на қилай?
Ғаддор замон берди заволим, на қилай?
Додимни ўзингга айтаман шому саҳар,
Гар тингламасанг сен-да бу ҳолим, на қилай?..

Токай фироқ заҳрини тун-кун ичаман,
Токай ғамида жоми пурхун ичаман.
Токай яшайин ёр лабисиз ташна жигар,
Эслаб лабини бодаи гулгун ичаман!

МУНДАРИЖА

Сўфиёна завқу шавқ тўлқинлари	3
Абусанд АБУЛХАИР	6
Умар ХАЙЁМ	22
Нажмиддин КУБРО	37
Маждиддин БАФДОДИЙ	42
Жалолиддин РУМИЙ	45
Паҳлавон МАҲМУД	61
Ҳофиз ШЕРОЗИЙ	74
УБАИДИЙ	84

Адабий-бадиий нашр

ИШҚ ДАФТАРИ

Рубоийлар

Тошкент «Маънавият» 2000

Таржимон Э. Очилов

Муҳаррир М. Мансуров

Бадиий муҳаррир С. Аъззам

Техн. муҳаррир, Т. Золотилова


Мусаҳҳиҳ С. Абдусаматова

Теришга берилди 04.08.00. Босишига рухсат өтилди 11.09.00. Бичими 84x108 1/32. Литературная гарнитураси. Юқори босма усулида босилди. Шартли б.т. 5,04. Шартли кр.-отт. 5,46. Нашр т. 4,17. 3000 нусха. Буюртма №150. Нархи шартнома асосида.

«Маънавият» нашриёти. Тошкент, Буюк Турон, 41. Шартлома 15—00.

Ўзбекистон Республикаси Давлат матбуот қўмитасининг Тошкент китоб-журнал фабрикасида чоп этилди. Тошкент, Юнусобод даҳаси, Муродов кўчаси, 1 ўй, 2000.

450c



Manaviyat